

2

DE ORIGINE
GENTIS PRINCIPVMQVE
BAYARORVM COM

MENTARIVS PER QVAM ELE-

gans, Ioannis Tritemij Abbatis

Spanheimensis, Nunc primum
in lucem æditus.



Non est Potestas nisi à Deo. Rom. 13.

FRANCOFVRTI.

Cum Gratia & Prælegio.

1 5 4 9.

DAVIDSON

1800

1801

1802

1803

1804

1805

1806

1807

1808

1809

1810

ILLVSTRISSI

MO PRINCIPIS AC

DOMINO D. IOHANNI

COMITI PALATINO RHENI, DV-

ci Bauariæ, & Comiti in Spanheym,

Principi suo clementissi-

mo S. D.

OPTIME institutum est antiquitus Prin-
ceps Illustrissime, ut, quarum rerum perpe-
tuam memoriam uelinus constare, eæ quàm fidelissi-
mè Literis mandarentur, & ad posteritatem trans-
mitterentur: Siquidem multorum Virorum Heroico-
rum atq; illustrum res eximias magnaq; cum gloria ge-
stas, uidemus hominum memoriam præterfugere: Non
tamquidem eorum, qui multis ab hinc annis uitam morte
commutauerunt, quàm eorum etiam qui nostro sæculo
plurimis rebus præclarè & dignis laude gestis, uita
defuncti sunt. Huius ego (me herclè) nullam aliam
causam rationemq; inuenire possum, nisi, quòd aut ipsi
quibus hoc euénit, à luctis alieniores fuerunt, aut cer-
te nemo eruditus tum temporis inuentus est, qui ipso-
rum uel Genealogiam uel peractæ uitæ seriem bona-
cum fide posteris reliquisset. Quocirca, etsi nulli

A ij

EPISTOLA.

non notum est Dux Illustrissime, tuam Prosapiam non solum uetustissimam esse, quam nimirum inde à temporibus belli Troiani originem traxisse scriptores perhibent, uerumetiam tot Illustrum Principum, & uirtute & Fortitudine præstantium uirorum in uestra familia, successu gloriari & superbire: Tamen multum debetur huic Authori, qui sua industria conatus est hanc tam celebrem Genealogiam Laudatissimorum Ducum Bavarie, tuorum parentum, in quendam Catalogum congerere, atq; ne intercideret à uetustate uendicare. Mihi uero & Honestas suadet, & innumera tua beneficia cogunt, ut quicquid hoc est officij, quod tibi in hoc Authore Typis excudendo præstare possum, summa fide promptoq; animo efficiam. Neq; uero hic longiora præconiatorum laudum, siue de generis tui amplitudine præmittere libet, quod ij prosequi consueverunt qui Principibus opus aliquod dedicant, cum nemo non norit, maximam in te tuarum uirtutum amplitudinem splendori domestico coniunctam elucere, ut non modò Generis claritatem à Deo Max: uidearis cum gloria esse consecutus, sed etiam cum generis nobilitate, Iusticiam, Prudentiam, & Fortitudinem: Quodq; ex omnibus maxime admiror, præcipuum ergà literatos amorem & beneuolentiam.

Quo-

EPISTOLA.

Quocirca ne longior sim, hanc meam operam qualis
cunq; tandem est, ob immensum tuorum beneficiorum
cumulum Dux Illustrissime, meae quasi gratitudinis

Arrabonem boni consulas, & sereno vultu

ut soles, suscipias quaeso. Bene Va

le Princeps Illustrissime.

Francofurti ex Offici

na nostra,

19. Calend. Iulij.

A N N O.

1549.



1. 10. 17

My dear Sir,
I have just received your letter of the 10th inst.
and am glad to hear that you are well.
I am very much interested in your
work and shall be glad to hear of your
progress.

Yours faithfully,

J. D. 17

10. 10. 17

3

10. 10. 17

DE ORIGINE GENTIS ET PRINCIPVM SIVE REGVM BAVAROꝝ

RVM, COMMENTARIVS 10

annis Træmij Abbatis

Spanheymensis.

BAVARIA, ut quidam dicunt scriptores, nomen & originem a quodam Duce Boioaro quem ante bellum Troianum cū ingenti populo ex Armenia in hanc regionem ferunt aduenisse, ex pulsīs habitatoribus admodū rudibus, & qui bestiarum more glandibus vescerentur, terram commisit optimam bobus excolendam.

BOIO Arus Dux Bauariæ primus, a quo gens & regio nomen obtinuit, multis in Bauaria annis regnauit, & post eum filij eius usq; ad excidium Troianum, quorum nomina & res gestas propter nimiam antiquitatem ignoramus.

NORIX, Rex Bauariæ, fortissimi Herculis filius, à quo Bauaria deinceps Norica dicta est, insignem ciuitatem super Danubium construxit, quæ hodie Ratispona nuncupatur, quā Tyberius Cæsar longo post tempore Tyberinā appellauit. Huic Duci Norico, multi per temporum interualla Duces in Bauaria successerūt usq; ad Tyberium Cæsarem, quorū nomina & res gestas in obliuionem duxit vetustas.

A. iij

C O M M E N T A.

B O A M V Nduſ dux Bauariæ, Princeps nobilis, à Tyberio Cæſare pulſus de Armenia, venit in Bauariam cum Ingrano viro æque nobili, ibiq; multis annis in Bauaros regnauit.

A D E Lgerus Dux Bauariæ, vir fortis & ſtrenuus, poſt Boamundum et Ingranum, Bauaris imperat annis multis.

T H E Odro Rex Bauariæ, poſt Adelgerum ſupra dictum ducem ſuper Bauaros regnauit, cuius geſta partim habentur diſperſa.

G E R Obalduſ Rex Bauariæ, tempore Mauricij Imperatoris, fuit vir Chriſtianiſſimus, qui inter alios liberos habuit filiam deuotiſſimā nomine Theodelindam, quam dedit vxorem Othario Regi Longobardorū, per quam multa bona in Dei Eccleſia facta ſunt. Ad hanc ſanctam reginam beatus Papa Gregorius quatuor libros Dialogorum & multas Episto-
las perſcripſit.

G O N D Oalduſ Rex Bauariæ, filius ſupradicti Gerobaldi, & frater Theodolindis Reginae, poſt patrem in Bauaria regnat, tempore Chioleberti Regis Francorum, habens ſub ſe Bauariam & Auſtriā atq; prouinciā Noricā.

Mortuo Rege Longobardorum Othario, Agilulphus in regem poſt eum fuit electus, qui relictam eius Theodolindē duxit in uxorem, quā beatus Gregorius rogauit per epistolam, ut uirum ſuū induceret
ad pacē

P R I N C I P . B A V A .

ad pacem Romanorum suscipiendam , quod et fecit.

Rex Francorum Childebertus , bellum habens cū Longobardis , Gondoaldū fratrem Reginae de Bauaria expulit, propterea quod auxilia ferret Longobardis, eiusq; ducatum Tassiloni filio Othilonis regis Bauariae dedit. Lata enim existens Bauaria, aliquando pluribus erat subiecta principibus.

OTHILO Rex Bauariae, & postea dux, pater Tassilonis fuit , habuit vxorem Hiltrudē sororem Pipini regis, patris videlicet Caroli magni, ex qua genuit ipsum Tassilonem.

TASSILO dux Bauariae, filius Othilōis regis, expulso Gondoaldo consanguineo suo per Childebertū, ducatum eius ab ipso Childeberto rege Francorum suscepit: Vxorem habuit Lintburgem Filiam Desiderij vltimi regis Longobardorum, quæ peperit ei Theodonem filium, quem sanctus Rupertus Episcopus Vormaciensis Ratisponæ baptizauit, Anno domini. DCXII. Hic genuit Theobertum filiū.

Tassilo dux Sclauos deuicit, cōstruxit monasteriū Laurisam & alia multa. Othilo vero pater eius, inter alia etiam fundauit monasterium Inferius Altha, ordinis sancti Benedicti in Bauaria, quod adhuc hodie extat.

Desiderio rege Lōgobardorū per Carolū magnū deuicto, & in captiuitatem acto, filia eius Lintburgis vxor Tassilōis, virū suū indefessis precibus & lachry-

C O M M E N T A.

mis eo tandem perduxit, ut confœderatis sibi Hunis in vindictam patris, Carolum Magnum nepotem suum bello aggrediretur.

Adrianus Papa, in iussis legatis ad Tassilonem ducem Bauariæ, monuit eum ut se Carolo subijceret, qui precibus legatorum persuasus, venit Vormaciam ad Imperatorem legatis se comitantibus, ibique in fidem Caroli iurauit, sed non permansit in fide, unde ab Adriano Papa fuit cum omnibus sibi adherentibus excommunicatus.

Carolus à Roma post coronationem suam reuersus Vormatiam, Tassilonem ex principum consilio ad terminum vocauit, obedientiam & fidelitatem ab eo exegit, sed Tassilo nec ad conuentum principum uenit, nec Imperatori uoluit obedire.

Commotus Imperator, Bauariam ac Tassilonem bello aggressus, tribus cinxit exercitibus: Ipse cum uero exercitu castra posuit iuxta Augustam, inter Bauariam & Alemaniam, in loco qui dicitur Leche. Pipinus filius eius aduenit cum Italis in valle Tridentino, & Saxones cum Francis ad Danubium uenientes, Bauariam triplici agmine circumdederunt. Tandem dux Tassilo uidens se imparē tantis exercitibus, veniam petit, camque impetrat dato filio suo Theodoro cum alijs duodecim pro obsidibus in manus Imperatoris.

Carolus Pascha in Ingelheym celebrat, ibi iubet adesse ducem Tassilonem, qui cum uenisset, grauiter à Bauar

PRINCIP. BAVA.

Bauaris et alijs fuit de infidelitate regi exhibita accusatus, vnde cum iudicio principum capitalem deberet subire sententiam, indulgentia regis, cuius consanguineus erat, ad poenitentiam cum Theodone filio in monasterium Laurissam detrusus, multa postea sanctitate uixit.

Hic Tassilo plurima monasteria in Bauaria fundauit, videlicet Vvelsenbron, Tremmunster, Laurissam Vveltenburg et Pfaffenmunster. Muros ciuitatis Patamensis renouauit, & sedem Episcopalem tunc transtulit ex Lauriaco.

Sunt qui dicunt eum à Carolo Imperatore magno in carcere excruciatum, obiectu continuo duarum laminarum ignitarum: Quomocunque id sit, constat eum in Monasterio suo Laurissa, quod antea in strata montensi non longe à Vvormacia construxerat, magnis sumptibus vitam sub regula diui Benedicti finisse, & ibidem non sine opinione sanctitatis sepultum ferunt.

Tassilone à ducatu deposito, & Monasterium ingressò, Imperator ducatum Bauariæ Geroldo comiti comisit, qui ab Hunis qui sunt Vngari, interfectus est, Anno domini, M CC XC IX. vt patet in Chronica Colonienfi.

Eo tempore quo sanctus Bonifacius Mogutinam regebat ecclesiam, Occarius & Albertus fratres & clarissimi duces Noricorum, viri fortes, nobiles ac deuotissimi, amore uidendi Romam adierunt, quibus Zacharias Papa narrabat calamitatē quam ab infidelibus

C O M M E N T A.

patiebatur, vnde moti Christianissimi duces zelo sic dei vna cum Romanis se armis præcingunt, hostes fortiter inuadunt, spolia diripiunt, & eos exire sinibus ecclesie compellunt, Spolia uero Romanis dimittunt, quoniam non pro bonis corporalibus, sed pro dei honore se uenisse & pugnasse testabantur, quibus Papa inter multas reliquias, quas dedit, etiam corpus sancti Quirini concessit. Hij duo sanctissimi duces in Norica Provincia multa fundarunt templa.

Mainus dux Bauariæ, tempore Caroli imperatoris magni multa contra infideles fortiter gessit, à quibus tandem interfectus est, vir omnino zelo christianæ fidei excellentissimus, vide cætera quæ gessit in xxv. libro Vincentij capitulo xxi Speculi.

Eodem ferme tempore Lanfridus Vvalramus & Hellandus principes Bauariæ Christianissimi, multa bona ecclesie Dei exhibuerunt, pugnantes bella Domini cum magno seruire pietatis: Construxerunt inter alia quatuor monasteria, videlicet Burtochlarum, Schlechdorff, Scheplarum.

Sciendum est, quod pater supra dictorum duorum fratrum, ducum Noricorum Alberti & Occarii fuit Burgundus, cuius vxor, mater eorundem fuit Bauara, e quibus Occarius morabatur in Burgundia in principatu paterno, Albertus vero iunior annis xij. comitatus habebat in Bauaria. Hi duo apud Pipinium regem patrem Caroli magni, duo & prudentissimi & sanctissimi principes, in magno habebantur honore.

Ducum

PRINCIP. BAVA.

Ducum Bauariæ originē cupientes describere, certo comperimus, eos duces qui hodie Bauariam regūt ex stirpe Caroli magni descendisse, quod ita declarando exordimur. Sāctus Arnulphus maior, dominus Francorum, postea Metensis Episcopus, genuit Anchisem, Anchises genuit Pipiniū cognomēto Crasū, Pipinius genuit Carolum Marcellum, Geruoldū & Diogenem. Porro Carolus Marcellus genuit Pipiniū regem, patrem Caroli magni, Carolomannum & Grifonem ducē Bauariæ ex Schnanahilde vxore, quæ fuit filia ducis Bauariæ.

Griffo iste Bauariam ingressus, ducatum sibi iure Hereditario vindicare cupiens, Tassilonem ducē eiicit: Sed Pippinius rex, frater, ducatum Tassiloni restituit, & Grifonē in Franciam duxit, dans ei duodecim ciuitates more Comitum, qui minime contentus, multa in fratres bella commouit, vnde parum fortunatus quinto post anno interficitur.

Expulso itaq; Griffone de Bauaria per Pipiniū fratrem, Tassilo ducatum obtinuit, quem tandem Carolus magnus filius Pipini (vt dictum est) deposuit, & prouinciā comitatibus siue præfectis commisit.

Pipinius itaq; frater Grifonis genuit Carolum magnū, qui post deditionem Tassilonis ducis, Bauariam aliquanto tempore nō per duces, sed per Comites fecit gubernari. Carolus autē genuit Ludouicum cognomēto Pium, qui ei successit in Imperio, cuius secunda vxor fuit Iudith filia Velff comitis Bauariæ, vnde

C O M M E N T A.

et ducē cum seu regem Bauariæ, exactis comitibus cōstituit. Genuit & Carolum, quem regem Alemaniarū constituit, et Pippinum, quem fecit regem Aquitanie & Hispanie. Carolo magno Imperatore mortuo, Et Aquisgrani sepulto, Ludouicus dux Bauariæ filius eius successit.

Ludouicus cognomento pius, filius Caroli magni, & post eum Romanus Imperator, habuit vxorem nomine Margaretham, ex qua tres filios suscepit: Lotharium, Pippinum, & Lodouicum, quorum primū Lotharium Bauarię prefecit, qui etiam post eum imperator fuit. Mortua vxore Margaretha, aliam duxit nomine Iudith, filiam Vuelff Comitissæ Bauariæ, quæ habuit filium Carolum caluum postea Imperatorem, cui dedit Alemaniā, Rheciam, & partem Burgundiæ, Anno 833. habuit filiam nomine Petronellam.

Ludouicus pius Imperator, post multa egregie facta obiit, Metis sepultus, Cui Lotharius filius eius rex Bauarię successit, contra quem fratres eius grauissimum apud Altisodorum bellum mouerunt, In quo multa milia hominum cecidisse antiquitas testatur.

Lotharius iste Imperator, vxorem habuit Egillam filiam regis Anglię, quæ peperit ei duos filios, Lotharium, & Ludouicum, qui ei in Imperio successit Ab hoc Lothario Lotharingiam appellatam esse ferunt.

Ludouicus, filius Ludouici pñ Imperatoris, sublimato in Imperium Lothario fratre suo, ipse regnū Bauariæ & Alemaniarū obtinuit, qui habuit tres filios:

Caro^{us}

PRINCIP. BAVA.

Carolus postea huius nominis tertium Imperatorē,
Ludouicum regem Francorum, Carolomānum vlti-
mum regem Bauariæ.

Carolomanno rege Bauariæ mortuo, & in Etingē
sepulto, frater eius Ludouicus rex Francorum Orien-
taliū, sibi Bauariam subiugat, Arnolpho fratris filio
dedit ducatum Carinthiæ & Moßburgum, Et sic celsi-
sauerunt reges in Bauaria.

Ludouicus frater Carolomanni, rex Francorum
Orientalium, habito bello cum Noromānis Francor-
diæ ad Moenū moritur, & in Monasterio Laurissa se-
pelitur, & Arnulphus ad ducatum Bauariæ redijt.

Anno Domini Dccc lvi. Lotharius imperator
Imperium deseruit, cum iam imperasset annis xv. &
assumpto peregrino habitu Monachus factus est in
Monasterio Prumiēsi, ordinis sancti Bñdicti, cui Lu-
douicus filius in Imperio successit annis xxi.

Ludouicus huius nominis secundus, filius Lotharij
Imperatoris, patri in Imperio succedens imperauit an-
nis xxi. Cuius pater Lotharius ante Imperium rex
Bauariæ fuit, quemadmodum paulo ante docuimus.
Vxor huius Ludouici imperatoris fuit Theodeberga
filia Caroli calui patris sui, quæ peperit ei unū filiū
Carolū nomine, & filiam vnā nomine Gillam, quā
dedit Bosoni cuidam nobili, & fecit eum ducem Buri-
gundiæ. Postea dimisit Imperiū filio suo Carolo caluo,
& Monasterium ingressus obiit.

Carolus caluus filius Lodouici pñ imperatoris, &

C O M M E N T A.

Iudith filia Vulpi comitis Bauariæ post Ludouicū nepotem suū imperauit annis ferme quatuor, vxorē habuit Adeldrudē sororē Bosonis ducis Burgūdię quę peperit ei filium vnum Ludouicum nomine, & duas filias Theobergam quam dedit Ludouico regi nepoti suo vxorem, & Iudith uxorem Baldeuini comitis Flandriæ. Iste Carolus multa Monasteria construxit.

Carolo caluo Imperatore mortuo, Carolus huius nominis tertius, frater Carolomanni regis Bauariæ & patruus Arnolphi, post imperatorem in Imperio successit annis duodecim, vxorem habuit Adelsburgam filiam regis Granatæ. Hic tandem horribili visione inferni territus, multos cognatorū suorū ob malā administrationem populi regniq; penīs grauissimis torqueri iussit, imperioq; dimisso, peregre profectus esse dicitur. Hic non reliquit heredem, & cognomen eius erat Carolus grossus.

ARNVLPHUS Bauarus imperator, Carolo tertio ab Imperio deposito, Alnolphus dux Bauariæ filius Carolomanni vltimi regis Bauariæ omnium consensu imperator factus, Imperauit annis xij, vir potēs, diues & fortunatus, qui multa in republica egregie patravit. Vxorem habuit Agnetam filiam imperatoris grecorum, de qua suscepit duos filios, Arnoldum, & Bernherum. Arnoldus duxit vxorem Agnetam filiam regis Vngariæ, Et frater eius Bernherus sororem ipsius Agnetis eque filiam regis Vngariæ, nomine Beatricem in vxorem duxit, hæ duæ sorores filię regis

PRINCIP. BAVA.

regis Vngariæ Baptizate fuerūt in Castro, quod Arnolphus imperator construxit in Bauaria fortissimū, nomine Scheyern. Arnoldus ducatum Noricorū obtinuit, et frater eius Bernherus sortitus est comitatū Scheyern, et comitatum Palatini rheni. Ipse Arnoldus filiam suam nomine Adelheidam vxorē dedit Otthoni duci Saxonie, quæ peperit filium nomine Henricū, quem Arnoldus ducem Bauariæ fecit, contra volūtatē Bernheri fratris sui comitis Scheyern, Et sic ducatus Bauariæ venit aliquando tempore ad Saxones, Sed postea iterum restitutus est Bauaris.

Agneta imperatrice, matre prædictorum Arnoldi & Bernheri mortua, Arnolphus aliam duxit vxorem Lucardem filiam Vulpi ducis Bauariæ, ex qua suscepit duos filios: Ludouicum qui ei successit in Imperio, & Conradum patrem Cōradi Imperatoris primi, qui factus est dux Lotharingiæ, et filiā vnā nomine Lucardam, quam dux Saxonum duxit in vxorem. Hæbuit etiam filium ex Cōcubina, nomine Rindebaldū, quem pater postea fecit regem Lotharingiæ, Anno Domini Dcccxcvi.

Arnoldus itaque filius Arnolphi Imperatoris dux Noricorū, filiam suam Adelheidem vxorē dedit Otthoni duci Saxonum, quæ peperit Henricum Ducē supradictum, Adelheidam filiam, quæ postea facta est Abbatissa in Quindlingburg virgo sanctæ conuersationis.

Bernhardus frater eius, Comes in Scheyern, genuit

C O M M E N T A.

ex Beatrice vxore sua filia regis Vngariæ Otthonem
 Vvitesbach, comitem palatinum rheni, et Echardum
 post eum comitē Scheyrensem in Bauaria. Echardus
 genuit Arnoldū, Otthonem, & Conradū. Porro Ar
 noldus genuit Conradū dictū, Monachū de Scheyrē,
 & iste Arnoldus fuit dominus ī Dochania, Ottho fra
 ter eius in Scheyren, & Conradus in Vorley. Ex his
 tribus fratribus Echardi Comit̃s, multi Comites &
 Principes de Scheyren exor̃si sunt, Ita ut quodam
 tempore in curia quadā Vulpi ducis Bauariæ in Tor
 neamento fuerit triginta quatuor Comites, de Schey
 ren omnes oriundi, quamuis non omnes ibi moram
 agerent, vnusquisq; enim in suo dominio constitutus
 erat, et sic castrū Scheyern desolatū incolis, antiquitate
 tandem ruinosum, in Monasterium mutatū fuit. An
 no domini M. cxxiiij. vt postea dicemus. Sed

omnes isti xxxiiij. intra annos tres postea obierunt,
 præter duos, Arnoldum de Dochania & Otthonē de
 Scheyrē, qui Arnoldus domus Dochanie genuit Cō
 radum, Conradus genuit Arnoldū & Conradū, Ar
 noldus genuit Conradū ducem Ruthenorū, qui iuxta
 Mediolanum fuit occisus & in Scheyren sepultus.

Arnolphus imperator potens, & egregius Chris
 tianę fidei defensor, Normannos atroci bello supera
 uit, innumerabiles eorum occidit, eosq; de Christiano
 rum finibus postea, qui annis quadraginta Alemaniā
 vexauerant eiecit, Sigisfridū regem Normanorū, &
 Gotfridum regem Danorū, eodē bello interfecit.

Re

PRINCIP. BAVA.

Reuerſus ex Gallia de cede Normannorū imperator in Bauariā, corpus beati Dionisij Areopagitæ ſecū tulit, quod in Monaſterio ſācti Hemerani martiris Ratiſponā locauit, vbi adhuc hodie hōriſce ſeruāt̃.

Cōradus ex Lucarda ſecunda vxore Arnolphi imperatoris, dux Lotharingiæ, genuit duos filios, Eberhardū qui occiſus fuit, Et Conradū poſtea Romanorū imperatorē, cui ſe Arnoldus frater patris ſui ſupradiſcūſus oppoſuit, ſicut ſuo tēpore poſtea latius dicemus.

Arnolphus imperator poſt captā Romam, Nortmaños deuictos, & alia multa glorioſe facta, obiit. Sūt qui ſcribunt eum à pediculis conſumptum, quos ex nimis frequenti alliſ cōmeſtione creſcētes, nemo aliqua potuerit induſtria arcere.

LVD Ouicus filius Arnolphi Bauarus fuit Imperator. Arnolpho imperatore mortuo, Ludouicus filius eius huius nominis tertius in imperio ſucceſſit, natus ex Lucarda filia Vulpi ducis Bauarię, & ſic vtroſque parente Bauarus fuit, frater Arnoldi ducis Noricorum & Bernheri comitis de Scheyern, vxorem habuit Lucardem filiam Ludolphi ducis Saxonix, ſorem Otthonis, & ſine liberis deceſſit.

Bauaricum Vngaris pugnant & vincuntur, quibus Bauariam & Franconiam atrociter impugnantibus, iterum ſe Bauariad pugnam accingunt, Exercitus quoque Imperatoris Ludouici concurrente, multos ex Vngaris interficiunt, cæteros in fugam conuertunt.

Conradus dux Lotharingię frater Ludouiei impe

C O M M E N T A.

ratoris huius, et filius Arnolphi, genere Bauarus, dolo Adelberti marchionis Bambergensis interfectus est.

Ludouicus tertius, imperator Romanorum, ex patre Bauaro imperatore Arnolpho, sine liberis mortitur, Anno Domini, Dcccc. xij. post quem Conradus filius fratris sui eligitur.

CONRADUS imperator, natus ex patre Bauaro duce Ludouico imperatore. Filio Arnolphi mortuo, Conradus filius fratris sui Cōradi ducis Lotharingie, quem Adelbertus Marchio Babenbergensis interfecerat, ex linea Caroli magni, vltimus in imperio factus est imperator. Nō habuit vxorē Eberhardus, de quo postea dicemus.

Arnoldus dux Bauariæ, frater Cōradi, pater huius Cōradi regis Romanorum, filius videlicet Arnolphi Imperatoris, opposuit se huic imperatori Conrado, a quo tandem victus, cum vxore & liberis fugit in Vngariam, vsq; ad mortem ipsius Cōradi.

Conradus rex, expulso de Bauaria duce Arnoldo, Henricum ducem Saxonum pari modo expugnare cogitauit, obsedit itaq; Mersburg, ibi ex parte regis ceciderunt: Euerhardus frater eius, & Hatto Archiepiscopus Moguntinus, & ipse vix euasit. Inde Henricus dux Saxonum omnem terram regis deuastauit.

Conradus rex moriturus, coronā regni misit Henrico supradiecto duci Saxonum, qui post cum regnauit, & obiit in Francia Orientali, apud Herbiopolim sepultus.

P R I N C I P . B A V A .

ARNOLDus dux Bauariæ, audita morte Conradi regis, ex Vngaria in Bauariam reuertitur, et ab omnibus honore magno susceptus est, rogantibus cunctis ut regnum Romanorum dignaretur suscipere. Post mortem Conradi, cum Henricus dux Saxonum in regno succederet, eiq; omnes principes præter Arnoldum præfatum Bauariæ ducem obedirent, congregato exercitu suo Henricus contra eum processit in bellum, & obsedit Ratisponam. Et dux Arnoldus videns se tantæ multitudini non posse resistere, portas aperuit, gratiam petijt, & impetrauit. Pax itaq; inter eos firmissima sub his conditionibus componitur: vt rex duci Arnoldo, plenum feudum siue dominium in omnibus Episcopatus in Bauariæ conferat, ducatum suum pacifice possidendum sibi dimittat, eumq; inter amicos præcipuum habeat, & ita factum. Itaq; Henricus in regno permansit, quo mortuo, Ottho primus filius eius successit, post quem Ottho secundus primi, deinde Ottho tertius filius secundi, qui mortuus est sine liberis, Et Henricus dux Bauariæ per electionem principum in Imperio successit, sicuti suo loco postea dicemus.

Sub Otthone imperatore primo, bellum grauissimum fuit in Christianos et Vngaros, eo tempore adhuc infideles apud Augustam erant, ubi ipse imperator cum Christianis triumphauit, ibi ceciderunt Conradus dux Bauariæ, Theobaldus Comes frater sancti Ulrici Episcopi Augustensis.

C O M M E N T A.

Bernherus Comes de Scheyrn filius Arnolphi imperatoris, & frater Arnoldi ducis Bauarię de quo supra dictum est, qui fuit pater Eccharði & alterius Bernheri comitum, Vngaros contra imperatorem eduxit, à quibus magna clade accepta, tanq̃ totius mali occasi o interfectus est.

Causa belli fuit ista: Comes Bernherus ducatū Bauarię vt legitimus hæres postulabat, cui fratris filij quorū vnus imperator, contradicebant, vnde commotus, Vngaros pro serendo auxilio inuocauit.

Bernhero Comite de Scheyrn ab Vngaris occiso, Eccharðus & Bernherus filij eius ī locum patris succedentes, ducatum Bauarię postulabāt, quē Eccharðus tandem obtinuit.

Arnoldus dux Noricorum moritur, relinquens inter alios liberos Rudolphum ducem post eum, & filiā nomine Lucardam, quam Henricus dux Saxonię postea etiam Bauarię, filius Henrici Imperatoris primi, & frater Otthonis primi, duxit in vxorem, vt postea dicemus.

RVDVLphus dux Bauarię, filius Arnoldi ducis Noricorum, mortuo patre, ducatum eius obtinuit, vxorem habuit Rixam filiam Henrici imperatoris primi, sororem Otthonis primi, quæ peperit ei tres filios, Conradū qui fuit sine liberis interfectus, Vdonem qui & ipse sine liberis obiit, & Vulpi siue Vvelff Comitem de Scheyrn.

Rudolphus dux Bauarię post mortem Henrici res

P R I N C I P. B A V A.

gis primi, Otthoni filio eius imperatori rebellat, unde ex duce Bauariæ factus est Comes in Scheyrn.

HENRICUS Saxo dux Bauariæ, filius Henrici imperatoris primi, & frater Otthonis primi, redacto in Comitem Rudolpho duce Bauariæ, Ipse ducatum Bauariæ suscepit, Et sic ducatus Bauariæ mansit apud Saxones vsque ad Henricum imperatorem tertium, sub quo deficiente stirpe huius Henrici, ducatus ad nepotes Rudolphi supradicti comitis reuersus est, vt suo loco dicemus Vxorem habuit Henricus iste dux, Lucardem filiam Arnoldi ducis Bauariæ, sororem supradicti Comitis Rodulphi, quæ peperit ei duos filios, Brunonem Marchionem Saxonie, & Henricum post eum ducem Bauariæ, ac filiam vnā nomine Gerburgem Abbatissam in Gandersheym. Et quod duces omnes Bauariæ modernos à stirpe Caroli Magni diximus descendisse, oportet nos seriem generatiōis à Rudolpho Comite & duce continuare, quique duces Saxonum sint per aliquot annos interpoliti, quousque ad nepotes ipsius Rudolphi ducatus Bauariæ reuertatur, vt dictorum veritas omnibus clarius luceat. Rudolphus ex duce Comes Bauariæ, vna cum fratribus suis ducem Henricum sororis suæ maritum tanquam paternæ hereditatis inuaforem persequitur, Ratisponam obsedit & cepit, vxorem Henrici cum filijs eiecit. Nota quod Arnoldo Bauariæ duce mortuo, Ottho Imperator primus Bertholpho fratri eius commiserat, quo etiā mortuo, Henricum fratrem suum ducem constituit, vt dictum est.

C O M M E N T A.

Vulpi Comes Bauariæ, filius Rudolphi Comitiss
supradicti, vxorē habuit Adelheidam filiam comitis
Inferioris Baden, quæ peperit ei filium nomine Con-
radum, cuius filius Vulpi, ducatum Bauariæ iterū ob-
tinuit, sicut postea dicemus.

HENRIcus dux Bauariæ, filius supradicti ducis
Henrici Saxonis, fratris primi Otthonis patris, in duc-
catu Bauariæ succedens, habuit vxorem Bertham fi-
liam ducis Lotharingi, quæ peperit ei tres filios, et du-
as filias, Henricus duos, quorum senior postea impe-
rator fuit, Brunonem Episcopum Augustensem, Gi-
selam vxorem sancti Stephani regis Vngariæ, quæ ad
Christi fidem conuersa est, Et Hetvrigem quam Lo-
tharius Burggrauis Medeburgensis duxit vxorem.

CONRAdus Comes Bauariæ, filius supradicti
Comitis Vulpi, habuit vxorem nomine Atzam filiā
Marchionis de mōte Calym, quæ peperit ei tres filios,
Vulpi, qui ducatum Bauariæ ab Imperatore iterum
obtinueit, Burchardum Episcopum Haluerstatensem,
& Simonem Archiepiscopum Bremensem.

HENRIcus imperator dux Bauariæ, filius Hen-
rici supradicti ducis Bauariæ, mortuo sine liberis Ot-
thone tertio, electione principum factus est Impera-
tor Romanorum, vir strenuus, deuotus atq; sanctissi-
mus, qui multa bona in republica fecit. Habuit vxorē
Cunegundam filiam Sigisfridi Comitis Palatini Rheni
moribus & vita sanctissimam, & ambo vsq; ad mor-
tem in sanctitate per Christi amorem permanserunt,
ambo

P R I N C I P . B A V A .

ambo etiam cathalogo Sanctorum inserti sunt.

Nota, Comitatus Bauariæ fuerunt isto tēpore plures, videlicet Trubēsis, Valaiensis, Dochanienſis, Andex, Vuitelsbach, Vochburgensis, Pogenſis Caſtalenſis, Amertalenſis, & Scheyrenſis. Multi per ſucceſſū fuerunt in his locis Comites, quos omnes per nomina recenſere nimis foret prolixum & difficile.

Comitibus de Trube & Voley tādē omnib. mortuis, comitatus eorum ad Comites Dochanienſes peruenerunt, quorum x viij. ſibi inuicē ſucceſſerunt in Comitatu, quilibet vno ſolo poſt ſe relicto filio, qui omnes Conradi vocabantur. Ultimo autem Comite Dochania mortuo, tres illi comitatus ad Comites de Scheyren ſunt deuoluti. Comites Palatini de Vuitelsbach pauci erant, quibus tandem etiam deficientibus, comitatus in Vuitelsbach etiam ad Scheyrē eſt deuolutus.

Henricus imperator ex duce Bauarię, inter multa quæ fecit bona, Episcopatum Bambergēſem inſtituit, monaſterium montis monachorū ordinis Sancti Benedicti extra ciuitatem conſtruxit, Sancta Cunegundis de vxore caſtiſſima, ſibi de ſuo patrimonio opē in omnibus hilariter ferente.

Henricus Imperator Dagonem Cancellarium ſuū virum doctum & ſanctum, Archiepiſcopum Magdeburgenſem conſtituit. Anno dñi milleſimo quarto.

Anno domini M v. Hēricus Imperator Bauarus intrauit Italiam, qui in obſidione cuiuſdam caſtelli captus fuit, Sed adiuuante domino liberatus, per murum

C O M M E N T A.

se dimittens euasit, & cum exercitu ad patrē remeat.
Cum regio Bauarię sit latissima, diuersis ducibus atq;
Comitibus diuersis temporibus, aliquādo unī, aliquā
do duobus, interdū etiam pluribus fuit per interualla
temporum subiecta.

ERNEStus dux Bauarię, à Paludibus Mœotidis
ueniens in Bauariam, temporibus Othonis primi
Imperatoris, Ducatum Noricorum partitum obtinu
it. Idem Imperator Otho dedit ei partem nemoris in
prouincia Noricorum, in eo uidelicet loco, ubi nunc
est Monasterium Castellenſe ordinis Sancti Benedi
cti, qui eradicatis syluis, habilem aratriſ terram fe
cit. Ab hoc Duce Ernesto multi Bauarię domini no
tabiles descenderūt in Norica prouincia, maxime Co
mites de Castello & Sultzbach.

Ernestus iste Dux Noricorū vxorē habuit Adels
heydam, filiam Ducis Burgundię, quę peperit ei filiū
nomine Ernestum, de quo mirabilia narrantur. Mor
tuo Duce Ernesto seniore, Otho Imperator primus
vxorem eius Adelheydam, matrem iunioris Ernesti,
sibi matrimonio copulauit, quę peperit ei Othonem
secundum Imperatorem, & Mechtildem filiam, quę
Abbatissa in Quendlinburg fuit.

ERNEStus iunior Dux Noricorum, filius supra
dicti Ducis Ernesti mortuo patre, ministerio se dedit
magistrorum, vt sermonem latinum, gręcum, & Ita
licum disceret, qui postea miranda fecit.

Henricus Comes Palatinus Rheni, amicus Otho
nis

PRINCIP. BAVA.

nis Imperatoris, hunc Ducem Ernestum odio habēs, apud Imperatorem vitricum grauiter solebat (licet in iuste) accusare, quasi vitæ & Imperij ipsius insidiator rem, quod Ernestum minime latebat: vnde cum Imperator quadam die in Ciuitate Spirensi consilio Comitis Henrici, clausis ianuis secreto vteretur, Ernestus comitante se Vuetzelino Comite patruo, irrumpeus ianuas confregit, Henricum Palatinum in latere Imperatoris sedentem interfecit, assumptaq; deinde cruce, cum Vuetzelino patruo & multis alijs, ad terrā Sanctam perrexit. Sed mota in mari tempestate, omnes præter ipsum et Comitem Vuetzelinum, cum alijs paucis, submersi perierunt. Iste Dux Ernestus prælia & multa egregia facta, terra marique in multis regionibus longinquis patrauit, quæ habentur in scriptis. Reuersus deinde cum Vuetzelino Comite in patriā, plures attulit homines diuersarum nationū & formarum. Imperator autem comperta eius innocentia, ad gratiam suam & filium recepit, constituēs eum dominatorem & principem totius curiæ Imperialis. Anno dñi, M viij. Sāctus Henricus Imperator Dux Bauariæ, Comitem Flandrię Baldevuinū sibi rebellē vicit, sibiq; subdidit, & Gandauum cepit, Bolislaumq; Duce[m] Poloniæ Saxones crebro deprædantem, facta cōgressione superauit, & ad fidem Christi cum gente sua conuertit, habens in exercitu Sanctum Stephanum regem Vngariæ sororis suæ virum. Henricus sanctus Imperator obiit anno domini Mxxv. Bambergæ in

C O M M E N T A.

maiori Ecclesia quam ipse construxerat sepultus, cuius gesta in scriptis habentur. Conradus Dux Franconiæ in Imperium successit, post quem Henricus tertius, & post illum quartus imperator.

HENRICUS dux Bauariæ, frater Conradi ducis Sueuiæ, post sanctum Henricum ex duce Imperatore, Ducatum Bauariæ obtinuit. Hic construxit monasterium in Osterhofen in Patauensi diocœsi: Regnum Bernhardus & Ecchardus tandem, vt supra diximus: obtinuerunt.

CVNO, dux Noricorum, filius Ecchardi ducis supradicti, Ducatum Bauariæ quem pater obtinuit, post mortem eius assumpsit. Hic foedus inijt cum Vngaris, quos in auxilium contra Henricum Imperatorem tertium inuocauit. anno dñi, M liiij.

Cuno Dux Noricorum, tandem ab Henrico imperatore de Bauaria pulsus, fugit ad Vngaros. Anno domini, Mlv. ibique quam diu vixit in exilio permansit. Imperator fratri suo Conrado Ducatum eius donauit, qui paulo post obiit.

CONRADUS Dux Bauariæ, frater imperatoris Henrici quarti, expulso Cuno, ducatum eius ab imperatore suscepit, qui non longe postea mortuus est, Anno videlicet domini, M lvi.

AGNES Imperatrix, mater Henrici quarti, post mortem Conradi supradicti, Ducatum Bauariæ à filiis suscepit, quem post aliquot annos Orthoni cuidam nobili de gente Saxonum donauit, de quo postea di-

centus;

P.R.I.N.C.I.P. B.A.V.A.

cemus. Anno domini, Mlxi. Agnes Imperatrix, mater Henrici imperatoris quarti, Ducatū Bauariæ Otthoni Comiti de Northeym contulit, & ipsa in Italiā perrexit.

O T T H O dux Bauariæ, genere Saxo, Comes in Northeym, ducatum Bauariæ ab imperatrice ut dictum est accepit, vir nobilis, strenuus, iustus, in Aula regis Henrici potens & acceptissimus. Ottho dux Bauariæ prædictus, monasterium prædicti ordinis sancti Benedicti in Northeym fundauit, donans illi plura prædia, & dona comitatus sui. Ottho iste dux Bauariæ, cum clarus esset in aula regis Henrici, & acquiret sibi auctoritatem publicam, inuidia quorundam impiorum hominum, per quendam subordinatum iniuste accusatus, quod in necem regis conspirasset, primum à Curia, deinde etiam à Ducatu pulsus, cum principibus Saxonie et Thuringiæ bellum contra imperatorem gerit, Ducatum Bauariæ Vulpi seu Vuelff obtinuit.

V V L P i qui et Vuelff, dux Bauariæ, filius Conradi Comitis Bauariæ, Ducatum Bauariæ, quem proauis genitoris sui ante possiderunt, post Otthonem ab Imperatore ut legitimus hæres recepit. Nam proauus eius Rudolphus, filius Arnolphi ducis Bauariæ dux fuit, qui rebellans Otthoni imperatori primo, ut victus ab eo, ex duce Comes de Scheyern factus fuit, sicut supra dictum est. Restituto itaque Ducatu Bauariæ ad lineam Arnolphi imperatoris, seriem generatū

C O M M E N T A.

onis Ducum ex Carolo Magno descendendum incēptam prosequamur. Nec sum nescius, quosdam inter scriptores hunc Ducem Vuelff natione Sueuum, non nullos vero Italum filium cuiusdam Marchionis fuisse ausos contendere. Constat autē filium eum fuisse Cōradi Comitis Bauariæ, filij Arnolphi Bauari ducis & imperatoris Romanorum, nec refert vbi natus sit, modo generationis series, Bauariæ ducibus legitimis cōstet descendisse.

Itaq; Dux iste Vuelff desponsauit sibi vxorē Ethelinam filiam Ducis Otthonis Comitis Northeymensis supradicti: Sed pulso à ducatu Otthone, filiā ei remisit, veritus Henricum regem, à quo ducatum acceperat, qui inimicus erat Otthonis, quam Hermannus Comes Vuestphaliæ in vxorē accepit: Postea duxit in vxorē Iuttam relictam viduam regis Angliæ, quæ peperit ei tres filios, & vnā filiam, Henricum cognomento Nigrum, qui Dux Bauariæ post eū fuit, Vulpi, qui in Italiam perrexit, Sigebertum, & Adelheydam quam Conradus Burggravius Medeburgensis duxit vxorem.

Otto quondam Dux Bauariæ & Comes in Northeym, contra imperatorē in Saxonia multa prælia habuit, in quorum vno Ernestus Marchio Bauariæ, filius Ernesti ducis senioris, qui sæpe victor in Vngaria & diuersis alijs regionibus extiterat occubuit, Anno domini Mlxxv.

Cætera, quæ Otto præfatus cum Saxonibus contra
impera

P R I N C I P . B A V A .

torem fecit, & ab eo passus fuit, & quomodo tandem ad gratiam eius receptus est, scripta copiosissime per Lampertum Monachum Hirsfeldensem in gestis ipsius Henrici imperatoris habentur, quæ nimis tædio sum est hic exprimere.

Vuelff, Dux Bauariæ cognito quod iniuste Saxones à rege Henrico premerebantur, noluit ei contra eodem auxilium præbere, vnde & hostis reipublicæ iudicatus, etiam ab eo ducatu priuatus est, sed iterum in gratiam ab imperatore receptus, non solum ducatum recipere meruit, sed etiam filium suum in ducem Bauariæ confirmari, deinde cruce signatus tempore Urbani Papæ secundi. Anno dñi, M x c vi. ad terrâ Sanctâ profectus est, & Cypro mortuus, et sui pene omnes, cum multis alijs Christianis, insidijs Alexi Imperatoris Græcorum perempti & capti sunt.

Iste dux Vuelff inter alia quæ fecit, construxit Monasteria, videlicet Steyngarden, Altorff, Vuingartē Altenmunster, & Nietenbach: Quo mortuo, & in monasterio Artesheym sepulto, Henricus cognomēto Niger, ei in ducatu Bauariæ successit. Sunt qui scribunt hunc ducem Vuelff post mortem luttæ vxoris suæ, matrem Henrici quarti imperatoris, Agnetam duxisse vxorem.

E C C Hardus dux Bauariæ, frater Vuernheri de Scheyren, qui pro recuperando patris ducatu, Ungaros tercio contra imperatorem eduxit, de quo supra dictum est, tempore Urbani Papæ secundi, cum Go-

C O M M E N T A .

frido Duce Lotharingæ cruce signatus, ad terram Sâ
etiam profectus est, & Hierusalem à Christianis recu
perata fuit. Fuit etiam his temporibus Ottho Dux
Bauariæ in Ammerthal, filius (vt quibusdam placet)
Ernesti, qui in monasterio Castellenſi iacet sepultus.
Hic habuit filiam nomine Sophiam, quam dedit vxor
em Comiti de Andechs, qui genuit ex ea Bertholdū
Comitem, patrem videlicet Sancti Otthonis Episco
pi Bambergensis, & Fridericum Comitem in Amer
thal, qui monasterio Castellenſi multa bona fecit, ibi
demq; sepultus est.

HENRICUS Dux Bauariæ cognomento Niger,
filius Vuelff ducis supradicti, habuit vxorem Vuolff
hildem filiam Magni ducis Luneburgensis, quæ pepe
rit ei duos filios, & quatuor filias, Henricum, Vuelff,
Sophiam, quā dedit Bertholdo duci Thuringiæ, quo
occiso, Marchionem Steyredensem Lupoldum secū
dum accepit maritum. Secunda filia vocabat̃ Vudlff
hildis, quam dedit Rudolpho Comiti Prægnicensi.
Tertiam nomine Mechtildem dedit Marchioni The
obaldo Iuniori, quo mortuo, dedit eam Comiti de
Sultzbach. Quartam nomine Iuttam, accepit Frideri
cus Dux Sueuig, quæ peperit ei Fridericum Impera
torem primum.

VVELF dux Bauariæ, filius Vuelffi Ducis, &
frater iam dicti Henrici, vir bellicosissimus, Ducatum
Bauariæ fratri dimittens, Italiam pctijt, & Mechtilde
filiam Ducis Mediolanensis accepit in vxorem, qui a
bo sine

P R I N C I P . B A V A .

bo sine liberis decesserunt . Hic Dux VVelffo multa miranda fecisse perhibetur, Sueuiâq; igne, ferro, & cę de vastauit.

S I G Ebertus Comes Bauarię, frater prædictorũ Henrici, & VVelfsonis, vxorem habuit Odam filiã Gebhardi Comit̃s de Suppelnberg, & Dñi in Arnsp̃erg, qui Comes in Bauarię prouincia manens, frat̃i Ducatum permisit.

H E N R i c u s Dux Bauarię, cognomento superbus, filius supradicti Ducis Henrici, vir fortis, & audacissimus, vxorem habuit Gertrudem filiam Lothardi Imperatoris secundi, quę peperit ei Henricum Ducem Saxonum nobilissimum, qui propter fortitudinem, & res magnifice gestas dictus Leo, dominũ suum a Reno potenter extendit, vsq; ad fluuium qui Albis dictus est.

Huic Henrico Duci Bauarię, Lotharius Imperator cum filiã, Saxonię ducatum contulit, a quo omnes Duces de Brunschṽvig, & Lunẽburg deinceps, vsq; ad istos qui hodie sunt, per ordinem descenderunt, quod ita monstrabimus facile.

H E N R i c u s enim Dux Bauarię & Saxonię, gener Lotharij, genuit ex Gertrude vxore sua Henricum cognomento Leonem, de quo vulgus miranda refert, quod cum griffonibus pugnauerit, Leonẽ abduxerit de maris periculo, per Griffonem insutus corio equino portatus fuerit. Et alia quędam multa, quę nec improbo nec affirmo. Is Hẽricus genuit ex Mech

E

COMMENTA.

tilde sorore Richardi Regis Angliæ filium nomine
 VVilhelmum, qui patri in Ducatu successit, Ottonē
 quoq; postea regem Romanorū, Henricum Comitē
 Palatinū reni, & duas filias, Mechtildem & Rixam.
 VVilhelmus genuit Ottonem ex Helēna filia regis
 Danię. Otto genuit Albertum & Iohannem, qui duo
 hereditatē paternam, videlicet Ducatum Brunsvvici
 censē & Lunburgensē inter se diuiserunt, fratri-
 bus ad alia prouisis.

Anno autem Domini M. CC. XXXVIII. Imper-
 rator Fridericus secundus Maguncię constitutus, no-
 men, & Ducatū Saxonię ab Ottone supradicto, trans-
 tulit in Albertum filium Henrici Comitis de Anhalt,
 quem fecit Duce[m] Saxonię, & Imperij Principem
 Electorem: Et sic Otto filius VVilhelmi Ducis mans-
 sit Dux Brunsvvicensis & Lunburgensis. Continua-
 tur autem Duces ipsi ex linea Henrici Bauari conse-
 quenter, vsq; ad istos qui hodie viuūt, inclusiue, quos
 recensere per singulos, nimis tēdiosum esset. Sufficit
 enim, vt certissime constet, omnes Duces Brunsvvici-
 censes, a tēpore Lotharij secundi, vsq; ad istos descen-
 disse ex Bauaris.

TRANSLATIO DVCA

tus Bauarię ad Marchionem Austrię.

LOTHARIO Imperatore mortuo, Anno Domi-
 ni M. XXXVII. cum Henricus Dux Bauarię co-
 gnomento superbus gener eius, vir potentissimus, Im-
 perium

PRINCIP. BAVA.

perium affectare videretur, veriti potētiam eius principes, apud Cōfluentiam conuenientes, Cōradum Ducem Sueuiæ in Regem Romanorum elegerunt. Cui cum se Dux Henricus Bauariæ vna cum Saxonibus opponeret, tanquam non rite electo, Conradus conuentum principum in diem Pentecostes ad Bambergam indixit, ad quam diem ipsum Ducem Henricum citauit. Qua caula oēs, cū vna cum imperatrice relicta Lōtharij cōuenissent, & in gratiā Conradi fuissent recepti, solus ipse non comparuit, habebat autem penes se insignia Imperij, Coronam videlicet Caroli magni, sceptrum, pomum, lanceam Domini, & reliquias, quæ modo apud Nurnbergenses conseruantur. Quæ cū rex Conradus ab eo sepius, vt Imperij vasa, postulasset, obtinere nō potuit: Tandem in die Petri & Pauli Apostolorum ad manus regis Conradi hæc omnia resignauit in Ratispona, Sed gratiam eius nō obtinuit.

In diebus illis, Innocentius Papa secundus, Regem Conradum nec coronare voluit, nec Italiæ introitum permittere, propter Siciliæ regnum, quod vterq; ad suam potestatem pertinere dicebat, & ab ipso Papa Rogerio, cuidam in feudum iam datum fuerat, quod Conradus recuperare parabat.

Itaq; Papa Henricum Ducem Bauariæ, & VVelffratrem eius precibus & precio conduxit, vt regi Conrado introitum Italiæ potenti manu prohiberent. Rogerius quoq; inuafor Siciliæ, adiuuante se Papa, maximum contra regem Conradum exercitum ex Italia,

COM M E N T A.

Gallia, & Syçilia cōparauit. Rex itaq; Cōradus cum Duce Sueuorum Frederico iturus in Italiam, contra Papam & Rogerium, Ducem Bauarię Vuelffonem cum magno Bauarorum, & aliorum exercitu, cōtrarium offendit. Henricus aut Dux frater VVelffonis, præ senio domi remanserat, factum est itaq; inter eos grauissimū bellum, in diocesi Augustensi, iuxta quoddam ordinis sancti Benedicti monasteriū, q̃ Nerefsheym dicitur, ibi Fredericus Dux Sueuorum ex parte regis victoriam obtinuit, & multi ex parte VVelffonis caesi corruerunt, & ipse cum paucis vix euasit.

Iterum Dux Vuelffo cōgregato magno exercitu, contra Fredericū Ducē bellum habuit, prope VVin sperg, circa villam Ellēhoffen Herbipolensis diocesis, in quo & ipse cecidit, & maior pars exercitus sui prostrata fuit.

HENRICUS ergo Dux Bauarię cognomento superbus, principum iudicio excommunicatus, & a Ducatu Bauarię per Conradum regem depositus, pauper & pcedester, de Bauaria cum vxore, & liberis venit in Saxoniam, & ibi mansit vsq; ad mortem. Ducatum eius Lupoldus Marchio Austrię a Conrado rege accepit.

LVPOLDus Marchio Dux Bauarię, iste Lupoldus Marchio Austrig, Ducatum Noricorum post Henricum Ducem depositum a Rege Conrado suscepit. Hic fuit filius Lupoldi senioris Marchionis, ex Agnete filia Henrici Imperatoris quarti, quæ ante Lupoldum

PRINCIP. BAVA.

poldum habuerat Fredericum Ducem Sueuorum. Mortuo nō longe post isto Lupoldo Duce, Rex Ducatum Henrico fratri eius contulit.

HENRICUS Marchio Dux Bauariæ, frater Lupoldi fuit: Huic post mortem fratris, Conradus Rex, relictam viduam Henrici Ducis Bauariæ, quem deposuerat, filiam Lotharij Imperatoris Gertrudem de dedit uxorem, & constituit eum Bauariæ Ducem.

Otto Episcopus Bambergensis, filius Comitis Bertholdi, audax vir, sanctissimæq; conuersationis his temporibus clarus habebatur.

RESTITVTIO DVCA

tus Bauariæ ad legitimos hæredes.

Conrado Rege Romanorum mortuo, Fredericus huius nominis primus, filius Conradi Ducis successit. Hic Anno Domini M. C. LVI. Circa festum natiuitatis beatæ Marię semper virginis, Hērico Duci Saxonię filio Henrici superioris superbi, quondam Ducis Bauariæ, Ducatum rogantibus principibus restituit, amoto Henrico fratre Lupoldi Marchionis Austriæ: Facta sunt hæc Ratisponæ, Anno vt supra. Eodem tempore Fredericus Imperator, Marchiam Austriæ in Ducatum sublimauit, Primum Ducem in Austria constituens Henricum supradictum, fratrem Lupoldi, quem a Ducatu Bauariæ amouerat, absolvens eum ab omni Iurisdictione Ducis Bauariæ, dansq; nonnullos Comitatus Austriæ Henrico Duci Bauariæ

C O M M E N T A.

riæ in recōpensam exemptionem. Nam ante hac Marchiones Austriæ, quocienscūq; per Duces Bauariæ, ad curiam eorum fuissent vocati, tanq̃ subiecti illis solebant occurrere, quemadmodum Comites, & alij nobiles adhuc tenentur obedire. Idem Imperator Fridericus primus, Ducatum Bohemiæ erexit in regnum. Henricus Dux Bauariæ & Saxonie, filius Henrici superbi, in paternam hereditatē vtriusq; Ducatus restitutus, summa sollicitudine curabat, populum sibi subiectum iuste & secundum leges in omni pace, & tranquillitate regere & gubernare. Quicūq; leges ab eo æditas violasset, capite plectebatur, vnde pace per totam Bauariam cum iustitia cunctis facta, Dux Henricus in ore omnium laudem & honorem super omnes principes illius temporis habebat.

T R A N S L A T I O D U C I S

*tus Bauariæ ad Comites de
Scheyeren.*

Cum Imperator Fredericus expeditionem parasset in Italiam, Henricum Bauariæ & Saxonie Ducem iam dictum in auxilium vocauit. Itaq; Henricus cum magno exercitu Italiam Imperatori laturus auxilium ingressus, ipsum Fredericum obuium habuit, dicentē, sibi tantam armatorum multitudinem non esse necessariam, rogabatq; Ducem, vt cum suis remearet in patriam

P R I N C I P . B A V A .

triam. Vnus autē officialium Ducis inde comotus dixit ad eum: Illustrissime Princeps, coronam posuistis ad pedes, ne caput vestrum possit ascendere. Quod verbum in tantum displicuit Imperatori, vt ducem omnibus diebus vitæ suæ haberet exosum, atque a Ducatu tandem Bauariæ deposuerit, conferens eum Ottoni Comiti de Scheyeren, qui fuit de genere Carolorum.

OTTO Dux Bauariæ, iste Otto fuit Comes in Scheyeren, de stirpe magni Ducis Cunonis, de quo supra dictum est, ex linea Caroli magni Imperatoris. Huic Fredericus Imperator Ducatum Bauariæ, vt legitimo & proximo hæredi, abrogato Henrico contulit, a quo omnes Duces Bauariæ, & Comites Palatini Reni, qui hodie sunt, descenderunt, sicut in sequentibus per ordinem dicemus.

Anno itaq; Domini M. C. LXXX. Otto Comes præfatus de Scheyeren factus est Dux Bauariæ, vir fortis, iustus, & in Christiana religione clarissimus: vxorem habuit deuotissimam nomine Agnetam, de qua genuit Ludouicum successorem in Ducatu Bauariæ, & Elizabeth, ante Reginam Iherosolimitanorum.

Anno Domini M. C. XXIII. Otto Comes de Scheyeren, postea Dux, castrum Scheyeren Monasterium fecit in honorem Beatæ Mariæ semper virginis. Multi, fuerunt eo tempore Comites in Bauaria, Titulum habentes de Scheyeren, sed nullus
eorum

C O M M E N T A.

eorum in ipſo caſtro morabatur, quod cum antiquitate nimia pene corruiffet, Otto ſepe dictus, & Agnes vxor eius cōuocarunt omnes participes loci, videlicet Cōradū, Comitē Ottonē, Comitē Tochanig, Ottonē comitē Palatinū in Vuitellsbach, Ottonē aliū de Scheyern, Arnoldum Comitem cum alijs Septem, qui oēs vnanimiter ius ſuum, quod in caſtro Scheyern habebant, beatæ Mariæ ſemper virgini ad cōſtruendū monaſterium obtulerunt, Ipſumq; locum in ſepulchrum ſui, & generis ſui perpetuam eligerunt. Arnoldus autē Comes partem ſuam non Deo, ſed Diabolo offerens, proiecta in aerem chyroteca ſua dixit: vos demū diaboli, accipite partem meam in ius veſtrum: Chyrotecam demones abſtulerunt. Cæteri autem non obſtante vnus perfidia, inceptum opus hilari animo compleuerunt.

Anno Domini M. C. lxiij. obiit Gebhardus de Burckhaufen Dux in Bauaria, moritur vir ſtrēnuus, iuſtus, ac timens Deum. Eodem anno Dux Bauariæ, Dalmacię & Croatię Cōradus, moritur in Scheyern, qui ſibi memoriam æternam apud poſteritatem magnificis rebus acquiſiuit.

Henricus filius Ducis Hērici dicti Leonis Saxonię, frater Ottonis Imperatoris quarti, et Vuilhelmi ducis Brunſuicēſis, Comes Palatinus reni factus, vxorem duxit Agnetam, filiā Conradi Comit̃s Palatini reni, quę peperit ei duas filias, Gertrudē, quam Dux Bauariæ duxit vxorem, & Alheidem, quam duxit Ericus

P R I N C I P . B A V A .

cus Comes Badensis. Mortua Agnete prima vxore. Henricus aliam duxit Agnetam filiam nobilissimi Comititis de Lanssburg, ex qua non suscepit liberos.

Anno Domini M. C. lxxxviij. Otto nobilissimus Bauariæ Dux moritur in monasterio Scheyrn sepultus, iuxta Bernherum fratrem, filium relinquens nomine Ludouicum.

L V D O uicus Dux Bauariæ, filius Ottonis supradicti, princeps mortuo patri successit. Vxorem habuit Ludenellam filiam regis Bohemix, quæ peperit ei filium Ottonem nomine, Ducem Bauariæ, & Comitem Palatinum, de quo postea dicemus. Hæc Ludenella ante Ludouicum nupsit Alberto Marchioni de Pogen, cui peperit duos filios, videlicet Albertum & Bertholdum Marchiones post patrem.

Ludenella Ducissa Bauariæ, vxor Ludouici, construxit Monasterium in Bauaria nomine Stedental, in quo & sepulta iacet.

L V D O Vicus Dux Bauariæ cum Imperatore Friderico secundo, Honorio Papa tertio, & Lupoldo Duce Austriæ perrexerit ad terram sanctam, qui insidijs postea Imperatoris Friderici interfectus fuit apud Kelham. Anno Domini M. CC. xxxi.

O T T O Dux Bauariæ, Comes Palatinus Reni, filius Ludouici supradicti Ducis Bauariæ, patri succedens, vxorem habuit Gertrudem filiam Henrici Comitis Palatini Reni, quæ peperit ei duos filios, Henricum & Ludouicum.

COMMENTA.

Iste Ludouici Ducis filius Otto, Ducatum Bauariæ post patrem, vt legitimus hæres obtinuit, & Comitatum Palatinum Reni Heidelberg, cumq; ad eum pertinentibus, cum vxore in possessionem succēpit, quæ Brubach in focudum dedit Comiti de Catzēellenbogen.

OTTO itaq; Dux Bauariæ, & Comes Palatinus Reni, in principio sui regni pius ac strenuus, ac iustus Princeps fuit, sed postea propter dissentionē, quam habuit cum Friderico Imperatore, & eius filio Conrado, ab Innocentio Papa fuit excommunicatus, qui ob hanc causam in odium cleri exandescens, malum malo adiiciens, Anno Domini M. cc. xlv. cum in vigilia sancti Andreæ Apostoli lætus cum vxore & familia fuisset, subitanea morte obiit.

OTTOne Duce Bauariæ mortuo, Ludouicus & Henricus filij eius Principatum patris inter se diuidūt, Ludouico cecidit Comitatus Palatini Reni, cum cæteris alijs in Bauaria superiori, Henrico vero sors dedit Lansshutam, cum Bauaria inferiori. Anno Domini M. cc. lvi.

LUDOUICUS Comes Palatini Reni, Dux Bauariæ, filius Ottonis Ducis Bauariæ, Princeps prædicti frater Henrici, primo duxit vxorem Mariam, filiam Ducis Barbaniciæ, quam Anno Domini M. cc. xlvij. ipse necauit, postea accepit Annam filiam regis Poloniæ. Genuit aut tres filios: Ludouicum, Rodulffum Comitem Palatinum Reni, & alium Ludouicum, postea

P R I N C I P . B A V A .

postea regem Romanorum, de quibus infra per ordinem dicemus.

Anno Domini M. cc. xlvij. Ludouicus Dux pro defensione Bauariæ Castrum, quod dicitur Fridburg contra Episcopum Augustensem, & ciuitatem construxit. Ludouicus post multa egregie perpetrata moritur, Et in Furstenfels, quod ante ipse construxit sepelitur, post quem filij eius surrexerunt, vt suo loco dicemus.

HENRICUS Dux Bauariæ, filius Ottonis Ducis Bauariæ, & Comitis Palatini Reni iam dicti Ludouici, habuit vxorem Elizabeth filiam Beli Regis Vngariæ, qui fuit frater sanctæ Elizabeth viduæ, quæ peperit ei tres filios: Ottonem Regē Vngariæ, Ludouicū & Steffanum Duces Bauariæ, quorū in sequentibus faciemus mentionem. Anno Domini M. cc. xxxi. Albertus vltimus Comes de Bogen moritur, cuius Comitatus ad Duces Bauariæ conuertitur. Henricus Dux Bauariæ prædictus moritur, Anno Domini M. cc. xc. Et in Lanshuta sepelitur. Alij dicunt quod in Burckhausen sit sepultus. Reliquit autem tres filios de quibus postea dicemus.

RVDOLPHUS Comes Palatinus Reni Dux Bauariæ, filius Ludouici, cuius frater erat Ludouicus Rex Romanorum, de quo postea dicemus. Vxorem Mechtildem filiam Adolphi Regis Romanorū habuit, quæ peperit ei tres filios, Rudolphum, Rupertum, & Adolffum, de quibus postea dicetur, Ab isto Rudol-

C O M M E N T A.

to descenderunt omnes. Comites Palatini Reni, qui hodie viuunt, quemadmodum ex eorum Genealogia clare patebit in ſequentibus.

Cū Ludouicus frater Rudolphi ſupradicti Comitis Palatini eſſet electus in Regem Romanorum, ipſe Rudolffus id moleſte ferēs, Fridericum Ducem Auftriæ elegit in Regem Romanorum, Quod factum Imperator Ludouicus tam egre tulit, vt eum omnium poſſeſſione paterna ſpoliatum expelleret de patria, qui ſurgens in Angliā, ibi mortuus eſt. Filij tamen eius, a fratre Imperatore, ad hæreditatē paternam admiſſi ſunt, ſicut dicemus.

LVDOUICUS Comes Palatinus Reni Dux Baſſariæ, Imperator Romanorum, filius Ludouici ſupradicti Principis, & frater Rudolphi, cuius iam ſecimus mentionem, Imperator Romanorum factus eſt. Anno Domini M. ccc. .xv. Vxorem habuit Margaretham Philippi Regis Francorum ex filia Natam. Soror enim Regis Philippi nupſerat Vuillhemo Comiti de Hannegau, quæ peperit Vuillhelmum Ducem Hollandiæ, & Margaretam vxorem Ludouici ipſius Imperatoris, quæ peperit ei ſex filios, Ludouicum videlicet Marchionem Brandenburgerſem, Steffanum in Lantshuta, Albertum in Strubingen, Vuillhelmū Ducem Hollandiæ, Selandiæ, Friſlandiæ & Bredæ, Ludouicum qui dicebatur Romanus, quia Romæ natus fuit, Et Ottonem Brandenburgerſem. Igitur ex hac Margareta vxore Ludouici Imperatoris, Duca-

tur

PRINCIP. BAVA.

tus Hollandiæ, Selandiæ, Frisiæ, Henegaviæ, cū alijs pertinentibus sibi terris ad Duces Bauariæ iure hæreditario peruenit. Anno Domini Milleſimo tricenteſimo viceſimo quarto.

Deinceps filios Henrici Ducis Bauariæ in Lantshuta habitantis, filij Ottonis Ducis, ac fratris Ludouici penes hos inferam, & generatiōis eorum ſeriem explicabo. Fuerunt autem tres, Otto Rex Vngariæ, Ludouicus & Stephanus Duces Bauariæ, ſicut ſupra demonſtratum eſt.

OTTO Dux Bauariæ & Rex Vngariæ, filius Hērici Ducis in Lantshuta cōmorātis, frater Ludouici & Steffani Ducū Bauarię, vxorem habuit filiā Ducis Poloniæ, quæ peperit filium nomine Henricum, quatuordecim diebus ante mortem ipſius Ottonis. Anno Domini M. ccc. ix. Rex Vngariæ ſine filijs mortuus eſt, vnde Principes Vngariæ Ottonem Duceſ Bauariæ prædictum, vt hæredem regni viciniorem (quia filius erat Beli Regis Vngariæ) miſſa legatione in Regem Vngariæ elegerunt, quem etiam cum gladio regali more coronarunt. Cum ergo Pannoniā valida manu intraffet, poſt aliquot dies conſulentibus Vngaris, & omnimodam ei fidelitatem promittentibus, milites ſuos remiſit in Bauariam, ac poſt coronationem ſuam, cum vltiorem Vngariam penetraſſet, ā quodam principe regionis captus fuit, cuius filiam cum nolleſt in vxorem recipere, ope cuiuſdam famuli dimiſſus per murum, veſte mutata, euasit ſolus, & in

C O M M E N T A .

forma rustica, Pruscia, multisq; peragratis terris, venit Vratislauiam, vbi cognitus & traditus, a duce Poloniae captus est denuo. Cuius filia in matrimonium suscepta, cum magno honore in Bauaria susceptus est, Et non multo post obiit.

OTTO rex Vngariae, ac dux Bauariae, cum videret sibi tempus imminere moriendi, filium suum Henricum puerum xiiij dierum, qui postea dicebatur princeps de Notterberg, & duos fratris sui Steffani filios, Henricum qui octo habebat ætatis annos, & Ottonem qui nec dum septimum compleuerat annum, ciuib; in Lanszhuta, & in Strubingen commisit, nemini sub iuramento tradendos quam Lodouico duci superioris Bauariae, & mortuus est Anno domini M. ccc. xij. Quo mortuo, nobiles terrae supradictos tres pueros Lanszhutensibus, Strubingensibus ab Ottone ipso commissos, sibi donari postulabāt, volentes illos sub tutelā ducis Austriae locare, & dominium hoc in eum transferre. Itaq; Anno domini Millesimo ccc. xiiij. in die sancti Theodori martyris, per hanc occasionē factum est praelium magnum inter ducem Ludouicum postea Imperatorem, & ducem Austriae, circa villam quandam Gamelszдорff dictam. Et dux Lodouicus victor euasit, sibiq; dominium puerorum ut legitimus tutor obtinuit.

STHEPHANVS dux Bauariae frater Ottonis regis supradicti Vngarie, filius videlicet ducis Henrici in Lanszhuta, reliquit duos filios: Henricum, cognomen

P R I N C I P . B A V A .

to probū, & Ottonē de Burghausen. Henricus habuit vxorē filiam Ioannis regis Bohemiæ, sicut postea dicemus, hos duos principes vna cū filio suo Henrico Notterberger, Otto rex Vngarię & dux Bauarię iam moriturus ciuibus in Lanszhuta & Strubingē commisit, ad Lodouicū postea Imperatorem tutorem eorum legitimū deferendos: vt supra dictum est.

LVDOVVICVS dux Bauarię, filius Henrici ducis in Lanszhut, ac frater Ottonis regis Vngarię & Stephani ducis supradictorū, sine liberis mortuus est.

HENRICVS filius Steffani, cognomento probus vel senior, ad differentiā Henrici Iunioris filij Ottonis Vngarię regis, dux Bauarię, habuit vxorem filiam Ioannis regis Bohemię, quę peperit ei filium nomine Ioannem, qui duxit in vxorem filiam ducis Lodouici, sed sine liberis mortuus est non multo post patrem suum.

OTTO filius Steffani ducis Bauarię, frater supradicti Henrici, qui vitam degebat in Burghausen, mortuus est sine liberis. Anno domini M. ccc. xxxv.

HENRICVS filius Ottonis regis Vngarię dictus iunior, siue Notterberger, dux Bauarię, cuius mater fuit filia ducis Polonię, cum esset xx annorum, sine liberis obiit. Anno dñi M. ccc. xxxij. Supradicti tres duces: Henric. pbus, Otto frater eius de Burghausen & Henri. Iunior siue Notterberger filius Otto. regis Vnga. Inferiorē Bauar. inter se diuiderūt, vt sequitur

Diuisio Bauarię Inferioris inter prædictos duces.

COMENTA.

Anno Domini M. ccc. xxxi. facta est magna dissensio inter Henricum Ducem cognomento probum ex vna, & Ottonem fratrem eius, & Henricum Iuniorum filium Ottonis regis Vngariæ ex altera parte, super Ducatu inferioris Bauariæ. Vnde Iohannes Rex Bohemiæ, socer Henrici senioris, cum alijs principibus cōuentum habuit in Ratisbona, sub certa spe, prædictos Duces in concordiam perducendi. Iam enim Ludouicus Imperator Vngaros in auxilium pro Ottone & Henrico iuniore uocauerat. Post multos tandem tractatus, consenserunt, vt inter eos partis retur Ducatus, quod & factum est, circa festum sancti Bartholomei Apostoli Anno vt supra. Sors itaque sic cecidit: Henricus senior obtinuit Lantshut, Straubing, Scherdingen, Pfarkirchen, & alia castella circumiacentia. Otto frater eius accepit Burghausen, Ottingen, Transtein, Hall, & reliqua castella, vsque ad Alpes Saltzburgenfes. Porro Henrico Iuniori sors dedit Dingel, Fingen, Landauue, Vilhossen, Deckendorff, Kampogen, Kelham, & alia in circuitu iacentia oppida, & castella. Anno Domini M. ccc. xxxij. Henricus Dux senior iterum cum Ottone fratre suo, & Henrico Iuniore super Ducatu Bauariæ altercari coepit, & hi duo Ludouici Imperatoris auxilium inuocauerunt, qui mandauit illi serio, vt quam cito à male captis desisteret. Quo nolente, Imperator collecto exercitu Straubingē in propria persona octo hebdomadibus acriter obsegit. Interea Iohannes rex Bohemiæ de-

P R I N C I P . B A V A .

nuo adueniens, pacem inter eos composuit. Henricus dux Bauariæ Iunior, filius Ottonis regis Vngariæ prefatus moritur, Anno domini M. ccc. xxxiij sine liberis, Anno ætatis suæ xxi. Otto dux Bauariæ filius Steffani ducis sæpe dicti Anno domini obiit M. ccc. xxxv. sine liberis. Henricus senior frater Ottōis dux Bauariæ moritur Anno domini M. ccc. xlix. filium relinquens nomine Ioannem, qui patri in ducatu breui tempore viuens successor fuit.

IOANNES dux Bauariæ filius Henrici ducis senioris predicti, patri mortuo in ducatu Inferioris Bauariæ successit annis paucis, uxorem habuit filiam ducis Ludouici, & non longe post patrem sine liberis moritur. Mortuo itaque sine liberis Ioanne duce prænominato, Ludouicus Imperator & dux Bauariæ hæreditatem eius accepit, a quo sunt omnes duces inferioris Bauariæ qui hodie viuunt, ut suo loco dicemus. Et sic stirps Henrici ducis Lanszhutensis hic deficit. Anno domini M. ccc. xv. Ludouicus dux Bauariæ in regem Romanorum (sicut diximus) electus fuit, contra quem Fredericus dux Austriæ, per Rudolphum fratrem Ludouici, & quosdam alios, fuit electus in regem, unde multa mala & bella orta sunt. In die igitur, quæ festum sancti Michaelis procedit, uterque cum multitudine armatorum processit ad bellum, inter Muldorff & Ortingen, in prato iuxta viam, in quo cum acriter pugnarent, Ludouicus victor euasit, Et Fredericum ducem Austriæ cepit, quem in castello quod dicitur Taufers.

COMMENTA.

nitz non longe a Naburg custodię mandauit, fratrem vero suum Rudolffum (vt satis diximus) spoliatum omnibus bonis in exilium compulit. Tandem Imperator Ludouicus, dolis & falsis literis magistri Vldarici de Austria cancellarij sui, indignationem Papę Ioannis 22. incidit, a quo excommunicatus fuit. Quod quo modo acciderit, cum opus fuerit, latius declarabo. Ad hunc Imperatorem Ludouicum Vuilhelmus Ockan ordinis minorum, vir doctissimus, cum quibusdam alijs sui ordinis fratribus, a papa Ioanne 22. exacerbatu confugit, apud eum defensu mansit, & contra Papam scripsit, eumq; hæreticum declarauit. De quibus latius habetur. Ludouicus Imperator multa miranda fecit, & passus est, quę in hoc compēdioso indice comprehendere nullo modo possum. Si necesse fuerit, oportuno tempore scribam. Anno domini M. ccc. xlvij. in die sancti Gerionis martyris, Imperator Lodouicus in venatione constitutus, habebat in Comitatu suo ducissam Austrię quandam, quam omnes propter tetram sædamq; corporis dispositionem Maultesch appellauerunt. Hęc vbi etiam ab Imperatore contemni se videbat, infremuit, & simulato hilari vultu, potū Imperatori, prior bibens ipsa postea obtulit, qui ex bona fide sumpto poculo, post moram paruam de eo quo interfectus cecidit, & in sinu cuiusdam rustici inclinatus exspirauit, in nemore prope Furstenfelt sepultus est, in ecclesia beatę Marię semper virginis. Nunc de filijs Rudolffi Comitis Palatini Reni, & ducis

P R I N C I P . B A V A .

cis Bauariæ, fratris Ludouici Imperatoris supradicti, seriè generationis continuabo, a quo omnes comites palatini Reni huius tēporis descenderūt, Postea filios ipsius Ludouici Imperatoris adiūgam, a quibus duces Inferioris Bauariæ exorti sunt, quia generatio principum multiplicata deinceps in varias successiones successit, solos principales duces Bauariæ ac Comites reni Palatinos scribā. Igitur fugato in Angliam Rudolfo Comite Palatino Reni & duce Bauariæ supradicto a fratre suo, quemadmodum nos dixisse meminimus, & mortuo, Imperator Ludouicus dixit, cum filios eius vidisset: Pater et non filij in me deliquit, vnde non est æquum poenam alieni sceleris eos subire, dedit itaque eis potestatem eligēdi inter Bauariam, Suēuiam, Austriam, & Renum, quam ex his prouincijs voluissent, qui consilio præhabito hereditatē paternā, scilicet Comitatum Palatinum reni, cum suis proprietatibus & cæteris ciuitatibus in Bauaria, videlicet Amburg, & Naburg, cum adhærentibus sibi alijs elegerunt, Anno domini M. ccc. xxxix. sexta feria ante diem sancti Osuualdi martyris. Filij autem Rudolphi fuerunt tres: videlicet Rudolffus, Adolffus, & Ruperus. De quibus per ordinem dicemus.

RVDOLFFus primogenitus Rudolphi supradicti Comitis palatini reni, non multum sapiens vel astutus fuisse perhibetur, vxorem habuit Ludouici regis Vngariæ sororem, quę peperit ei filiam nomine Margaretam, quam duxit vxorem Carolus Bohemię rex,

C O M M E N T A.

postea Imperator Romanorum. Rupertus aut sine filiis mortuus est, & ante chorum ecclesie in noua ciuitate sepultus. Margaretha filia Rudolphi & vxor Caroli regis Vngarie, peperit tres filios et duas filias: Venceslaum regem Romanorum post patrem, Ioannem regem Bohemie, Sigismundum regem Vngarie, & postea Imperatorem. Helenam quae accepit filium regis Angliae, & Margaretham vxorem marchionis antiquae Marchiae.

ADOLFFUS Comes palatinus Reni, & dux Bauariae, filius Rudolphi principis, & frater supradicti Rudolphi habuit vxorem filiam Comitis de Ottingen, quae peperit ei filium nomine Rupertum Iuniorem, qui & nomine patris plerumque dicebatur Adolffus, de quo postea dicemus.

RUPERTUS filius Rudolphi, princeps, & frater supradictorum principum, Rudolphi & Adolphi, Comes Palatinus reni, & dux Bauariae, habuit duas vxores: prima fuit Mechtildis ducissa Brabanciae, quae sine liberis mortua est, secundam Beatricem filiam ducis Montensis, a qua liberos non suscepit. Iste Rupertus vniuersale gymnasium Heidelbergense fundauit, quod Benedictus papa xij confirmauit. Ecclesiam quoque collegiatum in noua ciuitate pulchro tabulatu lapideo construxit. Moritur autem Anno domini M. ccc. xl. xij die mensis Februarii, in choro Ecclesiae nouae ciuitatis sepultus. Consequenter filios Ludouici Bauari Imperatoris, & successiones eorum per quos Bauaria inferior

PRINCIP. BAVA.

rrior possessa est annotabo.

LVDOuicus marchio Brandenburgensis, filius Ludouici Bauari Imperatoris, vir pius, iustus, & bellicosus, vxorē habuit filiam comitis Tyrolēsis, quæ peperit ei filium nomine Meynhardum, qui postea fuit Comes in Tyrol, qui duxit vxorē Adolphi ducis Austriæ sororē, & sine hæredibus mortuus est, cuius vxor Comitatum Tyrolensem fratri suo Rudolfo duci Austriæ fecit esse subiectum, vnde dissensio inter duces Bauariæ & Austriæ non modica facta est.

STEFFANUS dux Bauariæ, filius Ludouici Imperatoris & ducis Bauariæ, ac frater supradicti Ludouici Brandenburgensis morabatur in Lanszhuta. Habuit autem tres filios: Steffanum, Ioannem, et Fredericum, qui post mortem patris ducatum eius inter se diuiserunt Anno domini M.ccc.xcij. Ioannes accepit Bauariam superiorem videlicet Monchē, cum suis attinentijs, Steffanus Ingelstat, et Fredericus Lanszhutam in sortem acceptauit, de his suo loco dicemus.

ALBERTVS dux Bauariæ de Strubingē, filius Ludouici Imperatoris, & frater duorum ducum prædictorum, Ludouici & Steffani, pro portione patrimonij sui, Strubingen cum illi adherentibus accepit, bonus, iustus, ac pius princeps Habuit vxorē filiam Ludouici ducis Poloniae, quæ peperit ei tres filios: Vuilhelmum, Albertum et Ioannem, e quibus Albertus possedit Bauariam inferiorem, Strubingē videlicet cum adiacentibus. Non habuit vxorē & mortuus

COMMENTA

est sine liberis. Ioannes autem electus Leodiensis, qui post mortem fratris, Episcopatum quem multis annis v. electus possidebat, dimittens, duxit vxorem, sacro Constantiæ cum eo disputante consilio, quemadmodum suo loco dicemus.

Habuit etiam dux iste Albertus supradictus duas filias, quarum vnam in vxorem accepit Iohannes dux Burgundiæ, quæ cōtra Turcos duxit exercitū. Aliam nomine Ioannam accepit Albertus dux Austriæ, quæ peperit ei filium nomine Albertum, et filiā nomine Elizabeth. Albertus duxit vxorē Elizabeth filiā Sigismūdi Imp. Romæ. Aliam duxit in coniugē Henricus dux Bauariæ filius ducis Lanszhutenensis. Anno dñi M. cccc v. Albertus dux Bauariæ supradictus moritur, filius videlicet Ludouici Imp. & in Hollādiā iacet sepultus, cuius titulus erat iste: Alber. dei gratia Comes Palatinus Reni, dux Bauariæ, Comes Henegauie Selandie, Hollandiæ, & dñs Frisiæ. Mortuo autem duce Alberto, Vuilhel. filius eius Comitatus et dominium inferioris terræ Henegauie, Hollan. Selandiæ et Frisiæ post eū paucis annis gubernauit, qui & ipse mortuus est anno dñi M. cccc ix, cuius filia nomine Iacoba hæreditatē paternam sibi vindicare et possidere volēs, se filiā prædictorū comitatuū scribebat. Contra Ioan. frater patris sui, episcopatuū Leodiens. dimittēs, (sicut diximus) terras istas & comitatus per uim multis bellis in suam potestatem redegit, qui spe successionis, vxorē duxit filiam Ioannis ducis Gerlitzensis, sed tamen sine liberis decessit,

PRINCIP. BAVA.

fit a magistro curiæ suæ intoxicatus Anno dñi M. cccc xv, post cuius mortem domina Iacoba, fratris sui Vuil helmi filia, iterum terras illas iure hæreditario posside re properabat, contra quam dux Burgundiæ iunior se erigens, terram inuasit, & obtinuit, possidens eam in successione stirpis suæ vsq; in hodiernam diem.

VVILHELMUS dux Bauariæ Comes Hollandiæ &c. Filius Ludouici Imperatoris Bauariæ, ac frater præ dictorum principum, qui dicebatur Hollant, fuit vir bonus & strenuus. Hic intoxicatus ab impijs & per uersis hominibus, liberum rationis vsum amisit, & si ne liberis mortuus est, Cuius dominium Albertus fra ter eius suscepit.

LVDOVICVS Romanus, dux Bauariæ filius Ludouici Imperatoris, ac frater supranominatorum principum, ideo dictus fuit Romanus, quia cum Impe rator vna cum vxore Romæ esset constitutus, ibidem natus est, qui & ipse sine liberis decessit.

OTTO Brandenburgensis dictus, dux Bauariæ, filius Ludouici Imp. & frater prædictorū principum, ac Marchio, etiā mortuus ē anno dñi M. ecc. lxxix. sine liberis. Anno domini M. ecc. liij Ludouicus Marchio Brandenburg. Rupertus, id est Adolffus senior Co mes palatinus reni. & Ioānes Burggrauius Nurns burgensis, inter Stephanum, Albertum, & Vuilhel mum filios Ludouici Imperatoris ducatum Bauariæ diuiserunt, de quibus dictum est. Actū Ratifponę in die S. Osualdi, Anno dñi M. ccc. xlvij. dñs Conradus

C O M M E N T A.

de Deck in domo sua in ciuitate Monacensi a Snickero de Gundelshingen interfectus est. Albertus dux Bauariæ filius Imperato. Ludouici castrum Notterberg & Strubingen muniuit contra metum Caroli Imperatoris, de quo fama fuit, quod bello vellet eum impetere. Sed concordia interueniente dissensio sedata est.

RVPErtus Comes Palatinus reni, & dux Bauariæ, qui & Adolffus, filius Adolffi principis Palatini, de quo supra fecimus mentionem, dictus etiam iunior, ad differentiam senioris, Ruperti fratris patris sui vxorem habuit Beatricem filiam regis Siciliae, quæ peperit ei Rupertum paruum, postea regem Romanorum, de quo suo loco dicemus.

Rupertus iste Comes Palatinus reni & dux Bauariæ ac Princeps elector, vir strennus, & arte bellandi valde promptus, tēpore Caroli Imperatoris, Saxoni armata manu ingrediens vno die bis triumphauit. de Saxonibus, tertio vero congressu victus ab eis & captus est.

Iam nunc seriem generationis ducum Bauariæ ex filijs Ludouici Imperatoris descendantium prosequamur, quia de stirpe Rudolffi Comitis Palatini, præter præfatum Rupertum semen virile non fuit.

MEYNhardus Comes in Tyrol, filius Ludouici Brandenburgensis, qui fuit filius Ludouici Bauari Imperatoris: habuit vxorem Adolffi ducis Austriae, & sine liberis obiit, cuius ducatū vxor eius fratri suo Rudolffo Austriae duci tradidit, non sine præiudicio ducū Bauariæ

P R I N C I P . B A V A .

Baua. Præter istū Meynh. Ludoui. filios non reliquit.

STEPHANUS dux Bauariæ filius ducis Steffani, qui fuerat filius Imperatoris Ludouici, qui possidebat Ingelstat, cum sibi adherentibus, genuit duos filios Ludouicum ducem Bauariæ in Ingelstat, & Ioannem Episcopum Ratisponensem, ac filiam vnā nomine Elizabeth, quam rex Francorum accepit vxorem.

IOANNES dux Bauariæ superioris filius Steffani ducis, filij Ludouici Imper. ac frater supradicti Steffani habuit vxorē filiā ducis Gerlicen. de qua genuit Ernestū & Vilhelmū filios, ac Sophiā filiā vnā, quā dedit vxorem Vuenceslao regi Romanorum. Hic dux Ioannes pro partitione paternæ hæreditatis obtinuit Monacum cum alijs circumiacentibus castellis.

FREDERICUS dux Bauariæ, filius Steffani, filij Ludouici Imperatoris, ac frater prædictorum principum Steffani & Ioannis, in partitionem hæreditatis paternæ Lanzhutā obtinuit cum sibi adherentibus. Vxorem habuit sororem ducis Mediolanensis, quæ peperit ei filium vnum, Henricum in Lanzhut, & duas filias: Margarethā videlicet, & Elizabeth, quam dedit vxorem Frederico Burggrauiō Nurnburgensi quē Imp. fecit Marchionē Brandenb. Steffanus quoq; supradictus frater huius Frederici, aliā sororē ducis Mediolani, vxoris huius sororē, duxit vxorē.

Hæreditatis paternæ diuisio inter præfatos tres principes Bauariæ facta est Anno domini M. ccc. xcij.

Nunc de filiorum Alberti, filij Ludouici Imperato

H

C O M M E N T A .

ris, ac fratris prædictorum Ludouici & Steffani generationis serie dicamus . Fuerunt autem tres, Vuilhelmus, Albertus & Ioannes.

VVILHELMus dux Bauariæ filius Alberti, filij Ludouici Imperatoris supradicti, pro hæreditatis paternæ portione factus Comes Henegauie, Hollandiæ, Selandiæ & Frisiæ, non reliquit semen virile, sed habebat filiam vnam nomine Iacobam , quæ primo nupsit Delphino Franciæ, postea duci Brabantia, deinde fratri Regis Angliæ, & vltimo cuidam nobili dicto Francken Hic Vuilhelmus, mortuo suo patre, comitatum Heuegauræ, Hollandiæ, Selandiæ & dominium Frisiæ hæreditario iure possedit.

Vuilhelmus iste dux Bauariæ &c. mortuus est nullo relicto filio Anno domini M. cccc ix, post quæ Ioannes electus Leodiensis, frater eius, repulsa filia fratris Iacoba, dominium eius multorum sanguine acquisiuit.

ALBERTus dux Bauariæ filius Alberti ducis in Strubingen, filij Ludouici Imperatoris, frater supradicti Vuilhelmi, vir fortis, iuuenis, & decorus facie, qui post obitum patris inter fratres suos obtinuit Strubingen cum adiacentibus castellis, villis, & proprietatibus. Non habuit vxorem, & sine filijs decessit, sepultus in medio choro fratrum Carmelitarum in Strubin.

IOANNes dux Bauariæ filius Alberti ducis, filij Ludouici Imperatoris, frater Vuilhelmi & Alberti supradictorum principum, Electus in Episcopum Leodicensis Ecclesiæ multo tempore fuit, hic post multum

PRINCIP. BAVA.

tos annos mortuo fratre suo Vuilhelmo, Comitatum Henegauig, & Hollandiæ cū ceteris dominijs eius obtinuit, Iacoba fratris sui filia reclamante, qui sperās se legitimum habiturū hereditatis suę possessorē, habita dispelatione cōsiliij Constant. duxit vxorē filiā Ioan. ducis Gerlicensis, fratris Sigismundi Imperatoris, de qua legitimum heredem non suscepit. Anno domini M. cccc viij. Iohannes iste dux Bauariæ adhuc gerens se pro electo Leodiēsis Ecclesiæ, a Leodibus obsidetur in traiecto superiori positus, cui Vuilhel. frater eius sepe dictus, & Ioannes dux Burgūdiæ, filius sororis suę cum duobus milibus in auxilium occurrunt. Inito certamine, Ioannes & Vuilhelmus victores facti sunt, & plusquam xxv. milia Leodiensium prostrauerunt. Porro de exercitu suo decē duntaxat cecidisse perhibentur. Anno dñi M. ccccxxv Ioan. supradictus Bauariæ dux et comes, in Henegau, Hollant, Selant, et dominus in Frisia, veneno periit, insidijs Imper. dominiij sui cuiusdā, quem magistrum curię solemus appellare. Mortuo aut illo, Ioannes dux Burggun. filius sororis eius, contradicēte Iacoba filia Vuilhelmi ducis supradicti, quę fuit legitime hęres, Comitatum Henegau, Hollandię, Selandię, et dominium in Frisia potenter obtinuit, & sic a ducibus & domo Bauarię principatus iste ablatu est.

RVP. comes palatinus reni dux Baua. et rex Rom. filius Rupe. principis illustris. de q̄ supra dictū est, vir potēs, iustus, et misericors in pauperes, vxorē habuit

C O M M E N T A .

Margaretham filiam Burggrauij Nurnburgēsis, quę peperit ei sex filios, tres filias: Rupertū dictum piū Fredericum Amberg, Ludouicum Barbatum principem electorē, Ioannē Naburg, Steffanū Zuueybrucken, & Ottonē Moszbach. Agnetā, Margaretham Elizabeth. De his principibus postea dicemus.

Anno domini M. cccc. circa festum Assumptionis Beatę Marię semper virginis, conuenientibus in vnū principibus apud Franckfordiam, & deposito Vuenceslao, Rupertus prædictus Comes Palatinus reni & dux Bauarię, in Regem Romanorum electus fuit, & regnauit Annos decem.

Iste Rupertus dux & rex magnificus, exercitum duxit in Bohemiam, contra Vuenceslaum, & tam ferro quam igne multa genti Bohemorum mala intulit, & nonnulla castra & dominia Bauarię ab illis possessa, ad duces Bauarię reduxit, alia quoq; multa permagnifica fecit, quę hoc loco non possumus enarrare, Moritur in Oppenheim Anno domini M. cccc. x. mensis Maij die 18. in ecclesia sancti spiritus (quam ipse construxit) Heydelbergę cum vxore sepultus.

Consequenter seriem generationis ducum Bauarię ex Ludouico Imperatore descendentium primo continuabo, ac deinde filios regis Ruperti Comites Palatinos reni adijciam.

LVDOVICUS dux Bauarię filius Steffani ducis in Ingelstat, frater Ioannis Episcopi Ratisponensis, & Elizabeth reginę Francorum, Comes in Montau, habus

PRINCIP. BAVA.

habuit vxorem nomine Annam sororem Starlaci regis Cypri, quæ peperit ei filium Ludouicum, qui dictus est Hogel, qui puer in sportula portatus a Parisijs in Bauariam fuit. Mater vero eius Anna moriens, sepulta est apud Prædicatores in ciuitate Parisiorum.

Iste Ludouicus dux Bauariæ & Comes de Montau, imagines illas preciosas saluatoris nostri Iesu Christi, sanctæ Mariæ, & duodecim Apostolorum, quæ hodie sunt apud ducem Georgium cognomento diuitem, secum ex Gallia portauit in Bauariam.

IOANNES dux Bauariæ Episcopus Ratisponensis, filius Steffani ducis in Ingelstat, ac frater supradicti Ludouici, & Elizabeth reginæ Francorum, præfuit Ecclesiæ Ratisponensi Annis xxvi.

ERNESTUS dux Bauariæ filius Ioannis ducis in Munchen, ac frater Vuilhelmi sequentis & Sophiæ vxoris secundæ Vuenceslai regis Bohemiæ ac Romanorum, in Munchen moram faciens, genuit filiū nomine Albertū Munchē, de quo postea loco suo dicemus.

HENRICUS dux Bauariæ filius Friderici ducis in Lanszhuta, vxorē habuit Elizabeth filiam ducis Austriæ, quæ peperit ei filium nomine Ludouicum, quem appellabant diuitem, & duas filias, quarum vnā dedit duci Ottoni de Moszbach, aliam Comiti Vldarico de Vuirtenberg. Habuit etiam duas sorores quemadmodum supra diximus, quarum vna Elizabeth nomine vxor erat Frederici Burggrauij Nurenburgensis, de qua nati sunt, Albertus, Ioannes, Fredericus.

C O M M E N T A.

ricus, & alius Fredericus Marchiones Brandenburgenses, & Margaretha quam Ludouicus Hogel dux Bauariæ duxit vxorē. Iste dux Henricus Lanszhuta in principio parcus fuit, & pauper, sed in fine valde diues fuit inuentus, vxor vero eius mulier ingeniosa, omnes artes & scientias honestas amabat.

RV Pertus Comes Palatinus reni & dux Bauarię, primogenitus Ruperti regis Roman. qui dicebatur Pipan, zelo fidei armatus, se cōtra Turcos nō sine magnis expensis armavit. Nam anno dñi M. ccc. xciiij. Ioannes dux Burgundiæ filius sororis Alberti, ducis de Strubingē, cū magno exercitu venit in Bau. contra infideles pugnaturus, cui se Rupertus dux iste cum multis alijs coniunxit, Cumq; transmissa Vngaria venissent ad quandā ciuitatē Turcorū, quā ipsi Nicopolim, nostri autē Schiltauue appellant, per dissentionē principū ab infidelibus victi sunt, dux Burgund. cum multis alijs captus, innumerabiles occisi, ipse Rupert. vix euadens, pauper in Bauariam est reuersus. Et nō multo post sine liberis moritur, & in Amberg sepelitur.

FREDERICUS comes Palatinus reni et dux Bauar. secundo genitus Ruperti regis Roma. Comitum Palatini &c. ante patrem sine liberis mortuus est.

LVDouicus Palatinus reni et dux Bauarię ac princeps elector, tercius filius Ruperti regis Rom. vir probus, iustus & sanctus, qui per Christi amorem sanctum sepulchrum eius in Hyerusalem visitauit, & in mari grauiter infirmatus, cecus, & claudus. Facta pere-

grina.

PRINCIP. B A V A.

grinatione reuersus fuit, & quia barbam suam, quam de terra sancta reportauit, deinceps radi non permisit, dux cum barba, vel etiam cæcus a vulgo dictus est. Vxorē habuit Blancam filiam Henrici regis Angliæ, quæ peperit ei filium nomine Rupertum, qua mortua Anno domini M. cccc. xxviiij. mense Maio secundam duxit vxorem Mechtildem filiam ducis Subaudię, forminam deuotam, atq; sanctissimā, de qua genuit tres filios: Ludouicum, Fredericum, et Rupertum, et quādam filias, quarum duæ factæ sunt moniales, tertiam duxit comes Vuirtenburgensis vxorem, & post eum Albertus dux Austriæ, frater Frederici Impe. tertij. Multa de isto principe laudum præconia dicenda fuerunt, quæ & tempus ociosum, & aliud volumen requirunt. Hic Ludoui. dux vniuersalis Sinodi Constanciensis electus, protector, defensor et aduocatus fuit. Ioan. 23. Papā sibi a cōsilio traditū, ferme tribus annis in castro suo Manheim in custodia tenuit.

Anno dñi Mccccxxx. viij. 12. mensis Maij obiit Mechtildis coniunx istius serenissimi principis, tandem princeps iste Christianissimus Ludouicus propter cæcitatem, & varias infirmitates ab administratione sua fuit depositus, & non longe postea mortuus est anno domini M. cccc. vij. vltima die Decembris.

IOAN. comes Palatinus reni et dux Bauariæ, quartus filius Ruperti regis, dictus Neuenburger, vir bonus, et iustus. Habuit duas vxores: Catharinam filiam ducis Pomeraniæ, quæ peperit ei sex filios: Christophorum regem Daciæ, Noruegiæ & Suediæ, O-

C O M M E N T A R I U M

tonem, Iohannem, alium Iohannem, Fredericum & Adolffum. Quinque vltimi omnes in pueritia mortui sunt. Secunda vxor fuit filia ducis Bauarię Ernesti de Munchē, de qua nō habuit liberos. Iste dux Ioan, multa egit contra Bohemos scismaticos, et multa pro fide catholica ab eis passus est, sepultus est in Neuenberga, vir Deo dilectus.

STEFFANUS Comes Palatinus Rēni & dux Bauarię, quintus filius Ruperti regis, dictus Zuueibruker, propterea quod hanc in hæreditatē suscepit. Vir iustus, probus, & deuotus. Habuit vxorem filiam vltimi comitis Veldensis, quæ peperit ei quinque filios: Fredericum de Simmeren, qui obtinuit Comitatum Spanheimensem, Ludouicum cognomento nigrum, qui obtinuit Comitatum de Veldentz, Rupertum Episcopum Argentinensem, Steffanum in Ecclesia Colonienſi Canonicum, et Ioannem Episcopum Monasterienſem, ac postea Medeburgensem Archiepiscopum, de his quoque suo loco dicemus.

OTTO comes Palatinus Rēni & dux Bauarię cognomēto Moszbach, quā cū adhærentibus suis, in hæreditatē inter fratres possidebat, vltimus filius Ruperti regis Romanorum, habuit vxorem filiam Henrici de Lanszhuta ducis Bauarię, de qua genuit Ottomem Moszbach, Rupertum Episcopum Ratisponensem, Ioannem & Albertum Canonicos. Iste Otto tandem moritur, & in Reichenbach sepelitur.

Malta de his principibus causa breuitatis cogor omitti

P R I N C I P. B A V A.

omittere, quæ alio tempore latius poterunt explicari. Iam nûc propaginem ducum Bauariæ ex linea Ludouici Imperat. descendendum ex ordine continuemus.

LVDOVICUS dux Bauariæ dictus Hogel filius Ludouici ducis Bauariæ & Comitis in Montau, natus est ex Matre Anna sorore regis Cipri, habuit vxorem Margaretham filiam Friderici Burggrauij Nurenburgensis postea Marchionis, de quo liberos non habuit, quo mortuo Ludouico Hogel, Martinû Valenrode in Matrimonium occulte fertur suscepisse, & possidebat Friburg, quod postea vendidit Ludouico duci in Lanszhut cognomento diuiti.

ALBERTUS Munchen, dux Bauariæ filius Ernesti ducis, habuit vxorē filiā ducis Brunsh. de qua genuit quinque filios: Ioan. Sigismun. Albertû, Christophorû, Vuolffgangum. De quibus suo loco dicemus. Iste Albertus in iuuentute sua habebat quandam concubinam, filiam cuiusdā Balneatoris in Strubingen, admodum speciosissimā, quam cæco nimium amore diligebat, hanc, pater eius dux Ernestus, volens consulere vtilitati filij potius quam voluptati, fecit submergi, de quo postea tamen doluit, cum ex vehementi dolore filij incendia & multa mala sequerentur.

ADOLFFUS dux Bauariæ filius Vuilhelmi filij Ioannis de Munchen, ex linea Ludouici ducis Bauariæ, Imperator sine liberis mortuus est.

LVDOVICUS dux Bauariæ cognomento diues, filius Henrici diuitis, principis in Lanszhuta, duxit vxorē

COM M E N T A.

reni filiam ducis Saxoniae, quae peperit ei filium vnum Georgium nomine, qui hodie ducatum patris possidet, & filiam Margarethā, mulierem deuotissimam, quam Philippus comes Palatinus Reni princeps Elector duxit vxorem. De quibus suo loco mentio fiet.

COMITVM PALATINORVM

reni ducumq; Bauariae series generationis consequenter per ordinem est continuanda.

RVPERTUS Comes Palatinus reni & dux Bauariae primogenitus Ludouici ducis cum Barba, ex Blanca prima vxore natus, dictus Engellāt, (quā mater Anglica fuit) sine liberis mortuus est, anno domini 1426.

LVDOUICUS Comes Palatinus reni dux Bauariae, princeps elector, secundogenitus Ludouici Barbati, ex secunda videlicet vxore Mechtilde natus, duxit vxorem Margaretham filiam ducis Subaudię, de qua genuit filium vnum nomine Philippū, insignem patre nę virtutis principē, qui iura parentis clara sobole decoratus hodie possidet. Fuit autē Ludouicus iste pater Philippi vir bonus, iustus, pius, mansuetus & ad Deū in omni seruire spiritus valde deuotus, quemadmodum vita & conuersatio eius partim descripta, & eorum relatio testatur, qui eum probe nouerunt.

Mortuus vero princeps Christianissimus, fratri suo Frederico filium suum vnigenitum Philippum, annum duntaxat ætatis habentem, vxorem clarissimam, ac terram omnem commendauit, ita vt cum
Philippus

P R I N C I P . B A V A .

Philippus annum decimum octauum attingeret, ei paternum principatum & dominium tanquam legitimo hæredi sine contradictione restitueret. Moritur itaq; Ludouicus clementissimus princeps, anno domini Mccccxlix in die sancti Hypoliti martyris, in Ecclesia sancti spiritus Heidelbergæ est sepultus.

FREdericus Comes Palatinus reni & dux Bauariæ, tertius Ludouici cum Barbara filius, frater Ludouici supradicti principis, non habuit vxorem, nec hæredes legitimos reliquit, filios tamen duos genuit ex quadam Clara, quorum primus Fredericus in Ecclesia Spirēsi Canonicus fuit, secūsus Ludouicus comes in Leuenstein factus, adhuc hodie viuit. Sunt qui dicunt eum cum præfata muliere matrimonium in facie Ecclesiæ clandestine contraxisse, & quia gesta et bella huius Frederici nota sunt omnib; silentio transibo.

RVPertus Comes Palatinus reni & dux Bauariæ quartus supradicti Ludouici filius, & frater Ludouici ac Frederici, quæ sit passus ac quomodo, & quibus insidiantibus captus fuerit, cum etiam ipsi (vt ita dixerim) in plateis pueri nouerint, hac vice non opus est literis explicare. Nūc comitatum Palatinorum reni ducumq; Bauariæ, a Rudolffo quidē descendentium, sed in aliam lineam diuisorum seriem, post Rupertum regem & Steffanum filium, cum Ioanne et Ottone Mosbach prosequamur.

CRISTOPHORVS Comes Palatinus Reni, ac dux Bauariæ, filius Iohānis filij Ruperti regis

C O M M E N T A.

Romanorum, post mortē Erecke regis Daciæ, Noruegiæ & Suediæ filiam Ioannis Marchionis Brandenburgensis, quam cum tribus annis habuisset, sine liberis mortuus est, in Helmenzberg sepultus.

FREDEricus Comes Palatinus reni & dux Bavarie, filius Steffani de Zuueybrucken, filij Ruperti regis Romanorum, duxit vxorem Margaretham filiam ducis Geldriæ, quæ peperit ei Ioannem paternæ possessionis hæredem, Steffanum Decanum Ecclesiæ Coloniensis, Fredericum Canonicum & Cantorem Ecclesiæ Maguntinēsis, Rupertū Episcopum Ratisponensem, & Vuilhelmum Canonicum Treuerensem, qui iuuenis mortuus est in Treueris, Moritur autem Fredericus iste princeps iustus & pius, Anno domini M. cccc. lxxx. in choro monasterij regularum Rauengirzburg sepultus.

LVDovicus Comes Palatinus reni & dux Bavarie filius Steffani de Zuueybrucken filij Ruperti regis Romanorum, duxit vxorem, quæ peperit ei Casparum, Alexandrum & Ioannē, Bella quæ inter eum & Fredericū Comitē palatinū reni principem, nostri Philippi tutorem facta sunt, & quanta ex his passus sit damna, nota sunt omnibus in circuitu.

RVPERTus Comes Palatinus reni & dux Bavarie filius Steffani filij Ruperti regis Romanorum, Episcopus in Ecclesia Argentinensi fuit.

STEFFanus Comes Palatinus reni et dux Bavarie filius Steffani filij Ruperti regis, & frater supradictorum

PRINCIP. BAVA.

rum principū, Canonicus in Ecclesia Coloniensi fuit.

IOANNES Comes Palatinus reni & dux Bauariæ filius Steffani filij Ruperti regis Romanorum, vir doctus & morum honestate clarissimus, primo fuit Monasteriensis Episcopus, ac postea Medenburchensis Archiepiscopus, de quo mihi multa laudum præconia se ingerunt, quæ modo non sunt styli officio commendanda. Anno domini M. cccc lxxv. non sine suspicionē veneni mortuus.

OTTO comes Palatinus reni & dux Bauariæ filius Ottonis de Moszbach, filij regis Ruperti, non habuit uxore. Vir ingeniosus, qui omnes scientias, maxime mathematicas earumque præceptores colit, & observat, vivit adhuc.

ALBERTUS Comes Palatinus & dux Bauariæ, filius Ottonis Moszbach senioris ultimi filij Ruperti Regis, & frater Ottonis supradicti junioris, Episcopus est Argentinensis.

RUPERTUS Comes Palatinus Reni & dux Bauariæ filius Ottonis senioris de Moszbach, & frater Ottonis junioris & Alberti, Episcopus fuit

Ratisponensis Ecclesiæ in Bauaria. H

rum trium principum frater Io

hannes etiam fuit Ca

nonicus,



FINIS.

AD LECTOREM

N^o mireris Candide Lector hanc Genesin Illustrissimorum Ducum Bruniarum, quæ quidem lectu scituq; digna per se
est, ad hanc nostram ætatem non esse continuatam, Sed id
potius Codicis antiquitati, Unde hæc transcripta sunt, con-
dones, Si quidē autor hæc ad sua usq; tempora, tanq; delineans
perdaxerit. Nos uero ea quæ ob oculos sunt, facilius in-
uestigando consequi possumus, quam ea quæ
temporis uetus is longius a nobis re-
mouit. Bene uale optime
Lector.

FRANCFORDIÆ AD
Mœnum apud Cyriacum Iacobum.





